

御製衣詩文十全集

丙



御製詩文十全集卷十二

江西汪石

平定回部第四之一

琴家藏本

詩二十八首

西師 戊寅

西師歷四載王臣久于役誰無室家心而能忘契濶始
緣趨機動操刀乃必割終以阻遠艱舉碁忌屢易欲罷
又未能永言誌顛末

皇祖征朔漠卽此厄魯特三番整六師狼羣始窘迫策
妄退守巢于以延喙息取馘索賊子惟命無敢逆

噶爾丹兵

敗仰藥死其子脫身逃竄時策妄阿拉布坦鼠厥後漸
伏一隅畏威服德獻出逆屍不敢容留逆子

滋饒遂復劫西域策妄阿拉布坦逞其詐力勢漸強橫

殺拉藏汗大肆劫略我師抵西藏其酋帥大策零敦多

卜始引眾歸巢大策零敦多卜即今達瓦齊之祖為策

妄族終康熙年間蓋未止兵革

皇考闡

前猷思一勞永逸兩路命大舉帑藏非所惜究因時弗

輾勝敗互軒輊雍正年間西北兩路駐兵賊以送還羅

路馬羣因藉所獲馬力跳梁北路勢甚猖獗後為額駙

策楞擊敗於額爾德尼招幾至匹馬不返而將帥之臣

按兵不追賊眾得以免脫曰予守

我武既揚遂有罷兵之議

成訓罷兵事安戢稔知賊所恃其長有二術一曰激我

怒勞我眾遠出彼乃邀近功坐絀我物力一曰窺我邊

列埃疲戍卒戍久心或懈彼乃逞陵軼知然明告彼以

主待其客遠兵既罷征遠戍亦罷撥近邊汝或伺汝遠

勞竭蹶噶爾丹策凌聞言乃計詘得失故曉然求和使

來亟來亦弗之拒厚往示恩澤如是終彼身無事皆寧

謐其子曰阿占即策妄多爾濟那暴虐莫可詰用是失

眾心相延為篡奪喇嘛達爾濟戕彼位自襲達瓦齊攘

之計蓋由撒納喇嘛達爾濟既篡阿占而奪其位達瓦

齊偕阿睦爾撒納奔哈薩克藉其聲援

御製詩文十八集 卷七

復篡喇嘛達爾濟皆阿睦爾撒納為之謀畫蓋欲自取也綽羅斯汗族達瓦齊一脉

阿睦爾撒納輝特別枝葉時慮眾鮮從以此綴旒設終

不忘伊犁伊犁蓋四衛拉特會宗之地也煽亂事狡譎達瓦齊弗甘兵

連禍相結惟時三策凌都爾伯特台吉策凌策凌烏巴什策凌孟克恐禍及已率所部

來避禍來投闕撒納旋亦歸寵遇厠班列熟籌如許眾

雜居喀爾喀如狼入羊羣幾不遭啞嚙就其力請師毋

寧授之鉞阿睦爾撒納歸命乞師朕思機既可乘而新降多人若盡處我喀爾喀之地終非長策故

定計出師遂命阿睦爾撒納副將軍班第以往國家全盛時出帑儲胥挈曾弗

加賦徭更未廢賑恤八旗及索倫勁旅多英傑其心盡

忠篤其技善撤揆那如杜甫詩慘惻新婚別乙亥我出

師一矢曾未發五月大功成庶以慰

前烈而何狼子心飽揚去飄瞥留語啖眾狙倡亂動戈

戟致我二臣捐驛路肆唐突阿逆潛蓄異謀於達瓦齊就擒大兵凱旋時即流言

脅眾黨惡之徒倉猝變動班第鄂容安同時致羣言益

蚘蟥無恠懦者怯欲棄巴里坤堅志斥其說整師重討

叛所向復無敵一二畏首尾乃致賊兔脫大兵復進前徒倒戈阿逆

眾叛親離成擒在邇乃因將軍策楞叅贊玉保申命事

窮追大宛搜三窟於詐應以直殘喘命得乞哈薩克汗阿布賚始

意欲留阿睦爾撒納大兵已壓其境相隔一谷阿逆自度力不能支因遣使說辭稱哈薩克眾即欲擒獻阿逆但其汗阿布賚未到乞暫緩師適以策楞獲罪命達爾黨阿將兵前往我兵以逆賊在目前爭欲進促而達爾黨阿以為天朝當示大義彼既縛獻不宜加師力阻眾兵徘徊觀望而賊得以棄載遠颺矣

王者見此笑以竊遂生輕我心旋帥反又忽時呢馬合薩克錫拉

皆已授職從征見達爾黨阿為賊所賣笑其無能自合薩克還復生變計與巴雅爾莽噶里克等密謀構亂以

害將軍計賺我和起奮勇沙場沒兆惠全師還則予命

和起將軍兆惠以孤軍遠駐伊犁聞呢嗎等作亂整師往接東旋中途屢殲逆眾值朕命侍衛圖倫楚等率師

赴援乃得振旅而歸抵巴里坤丁丑重問罪值彼互殘殺因緣撒納歸

遇我竄倉猝諸將分南北兩路直指伊犁維時札納噶爾小殺其叔綽羅斯汗噶爾藏多爾濟欲

併其眾尋又為台吉達瓦所殺而獻其首軍門時阿睦爾撒納復自哈薩克逃回伊犁聚眾爭長突遇我師跳

身遁富德躡其後大宛徠汗血稱臣許捕寇寇更逃羅

刹富德追阿睦爾撒納適值哈薩克之兵而哈薩克畏我兵威稱臣貢馬且誓擒賊自效阿逆知不能免乃

奔俄羅斯俄羅斯一或曰不必追或曰不必索或曰捐名羅義或曰羅利

伊犁築室謀紛汨北荒守和議冥誅致賊骨伊犁倡亂

流大半就擒訖初議眾建侯為撫四衛拉二十一昂吉

公屬掄閱閱準噶爾厄魯特又名四衛拉特部內有綽羅斯輝特和碩特都爾伯特四族各領其

眾而綽羅斯為長噶爾丹策凌時設二十一昂吉昂吉

者部落之稱也為其汗公屬達瓦齊既執歸京師於四

部各封一汗而二十一昂吉則歸之公屬是予奉如八旗蒙古然仍擇其世族宰桑輩長之

天道好生體

造物詎知彼孽深歷世不可活以其狙詐類誠如向所

畫每歲費豢養終亦背恩幾是傷我脂膏而育彼羽翼

不如反之速掃蕩今將潔獯獠肆惡流三氏淪亡噶爾

歲多爾濟被殺綽羅斯族殄滅無幾輝特汗巴雅爾亦

以叛逆誅殛和碩特汗沙克都爾滿津心懷攜貳參贊

大臣雅爾哈善訶知異餘都爾伯特始終守臣節所以

至今存耕牧安職殖其廿一宰桑非誅即病歿不善降

百殃此理愈昭晰謂禍乃成福致得每於失幸以免眾

議孰非

鴻佑錫設使司事者惟明更勇決萬全盡美善詎有小

差跌都大承平久軍旅誰經歷益因警宴安求全肯過

刻先是花門類雜種曰回鶻久屬準噶爾供役納程秭

羈縻其和卓噶爾丹策凌先以兵威迫脅回人執其酋

分隸各昂吉籠絡其臣妾我師定伊犁乃得釋縲繼我

將縱之歸撫眾許朝謁和卓初聞大兵西伐獻款輸誠

還故土俾撫馭肉骨生死恩感應久不輟報德乃以怨

轉面凶謀黠我將所遣使百人遇害劇和卓歸故域後

都統阿敏道率百人社會是皆奉上命守義遭梟兀苟

盟而彼乃設計盡行戕害

不報其讐何以勵忠赤厄魯今蕩平回部餘波蕞徒以
守堅城未可一時拔買勇誠易登傷衆非所悅中夜披
軍書萬里遙籌策窮荒信安用弦上矢難遏志因繼
兩朝變豈防一切
蒼靈賴有成浮論寧祛惑開邊竟無已自問多慚德但
思文子言解嘲守弗諄

托和龍行

我師攻圍賊庫車臨衝第第四面羅蕩降伯克
同部中宰桑謂
克之伯爲我用其名鄂對顯秩加授職散秩大臣備知彼中之形

勢悉告將臣防周遮托和龍通塞里木地名賊來援者所

必過爰遣達克他那藍翎侍衛名瞭遂見踪跡詳窺多以計

誘賊賊遂至達克他那緩行誘賊賊住亦住請爲前導

勦賊窠發師順德訥副都統領率往堂堂之陣誰逆賊

賊不自量犯兩翼兩翼飛馳張鸛鵝長箭大礮如雨下

狂狗奔亂氣消磨填溝受殺敢迴顧血流漂杵時無何

勦賊一千四百餘傷我十數忠堪嘉是爲狂狗第一戰

遂叨

天佑威荒遐軍書日馳六百里奏函夜至披衣視賜官

錫祿酬庸勲克城更待頒恩旨討逆伐罪非得已鯨鯢
京觀豈所喜

和落霍漸行

今春我師勦逆夷首戰實和落霍漸斬將塞旗早報捷
酬勞頒資已有差卽今生解俘囚至日渥赭特宰桑伊
散秩大臣曾授職乃敢倡亂如鴉鴟面詢彼所致敗故
咋舌惟歎天奪其彼衆猶有千餘騎覘知我寡設計奇
輜重遠行誘我逐層層伏賊據險巖官軍四百始馳至
少騎示弱山之陲我進彼乃蠡涌集銃礮如雨循環施

我軍曾無一傷者百靈擁護信有之衝鋒突入矢齊發
賊乃喪膽紛離披鹿埤隴種各逃命大鞞大膊張軍威
殲彼屍僵近四百負傷逃者數無訾是誠

天助額手慶奮勇要亦資人爲問率軍者其人誰超勇

親王家聲貽

將軍策布登扎布爲超勇親王額駙策楞之子其兄成衮扎布襲封親王策布登扎

布以奮勇著績爵封郡王亦賜號超勇

率千狗彘行

小和卓木

其號霍集占

其名領兵來援圍城嚴先是其兵來

赴救托和鼐

地名

已二千殲逃生回者匍匐告昧死尚敢

潛窺覘城中知有賊接應借一出突施戈鋌緣旗圍城

腹背敵屹立不動戰方酣是時實賴愛隆阿副都統領

率千騎至皆奇男吉林滿兵及索倫兵橫衝截入亂狗陣斬將獲

醜如囊探狂狗難當復大敗東籠案角相藉攙毆至鄂

根河之側溯水斃者如眠蠶賊約五千三千死千餘戰

士威風添霍集占乃抱頭竄舉其大纛銅旗尖咳首五

色書旗幅不解其義言詒詒驛致既喜復致惜設執逆

首除凶愾徂惟求定靖遐壤止戈和衆吾方快

布魯特稱臣內屬遣使詣闕詩以紀事有序

布魯特為回部別族素與中土聲教不通比因逆

狗小和卓木背恩反覆戕我使臣既命將往征屢

戰大捷而將軍兆惠亦以搜捕伊犁賊黨旋師會

勒道經布魯特界其酋長圖魯起拜等遮道呼籲

自陳向為厄魯特所阻自外王化今西域蕩平所

部人眾皆願輸誠內屬並各遣其大首領馳驛赴

闕納款念此遐荒殊域固未脅以兵威亦非馭以

智術望風歸附情詞諄懇已允將軍等所請許其

攜從入覲而并識其緣起如此

捷伐原因討逆狗仰流詎意遠人徠舊傳勃律兩干據

唐書西域傳有大小勃律王其地直吐蕃西去長安八千里以方域考之即今布魯特部落 卽見堅

昆一面摧 回部某爾奇木哈什哈爾之地西卽與布魯特連界今布魯特內附則已斷其一臂矣

厚往薄來風早樹東鷓西鰈道方開不招不拒敷吾惠

王會何妨達九垓

泛月

襄雲向晚間婪暑依秋退望前傍下春昂首月已在三

時豈無月秋輪實可愛入波激灩光盈手清涼界木蘭

著緩盪俯仰欣澄對岸蛩有颯音汀蓼多蕭態愜賞則

不無長夜夙所戒眼瞥隱西山心共馳回塞

軍書

軍書羽速至謂喜顧生恨言志兼紀事顛末必傳信先

是舉狗彘將謂賊渠遯茲因沙雅降 雅爾哈善等先以迎勦霍集占殲衆

舉旗狗首兔脫奏報至是沙雅爾城回長阿三和卓木乞降錄其供詞始將霍集占敗入庫車潰圍不得出後

乘黃夜遯去諸將並未追擒情節歷歷叙明 伯克親詳訊始知霍集占來救

庫車困爲我兵所截入城欲伺釁合力旋突出被遮復

挫勒乃率四百騎夜出身免愁咄哉堪扼腕選將吾未

慎失機有如此是豈踈防僅譬鴟自投羅解放翻成吝

夷考自軍興誤事率臣蓋徒憐諸士卒奮勇冒白刃賴
天雖有成決策屢多悶自責不知人違敢弛國憲

庫車卽事

厄魯蕩平回部連止戈畢竟是何年固緣弦上矢必發
終愧階前羽舞旋勃律正聞踵來接堅昆佇待首誅駢
山莊行慶暇奚念念到庫車阿那邊

卽景

拂廬幾點曉霜輕跋馬剛欣卜爽晴問景雅宜詩外趣
合圍摠在畫中行塞山涼暖渾無定巘樹丹青最有情

詎謂從禽忘一切庫車時刻念怛怛

得庫車城誌事 有序

庫車之圍將軍雅爾哈善坐失事機方小和卓木
率衆來援屢經被殲而任其潛入潛出若罔聞知
前後奏報矛盾具見前詩知其株守淹時必致逆
黨免脫坐得空城以自解今報至悉如所料詩以
識恨

我師久圍賊庫車

讀作歌韻

殲其援者紛如麻惟是將軍無

紀律卒致竄走彼么麼軍書之什已誌恨後聞地穴爲

賊遮雅爾哈善用綠營穴地火攻計轉為賊覺橫截預

料將得空城耳彼賊腹心仍逃他驛章忽至共披閱一

一如言曾不差言則不差事則償用匪其人愧若何

布魯特使臣至宴賜卽席得句

七戎舜教遠難稽布露通唐付狄鞮布魯特自古未通中國考唐書西域

傳始載布露或云勃律有大小兩王其時雖稱內屬不過羈縻勿絕而已部昔兩王稱大小

人今一派別東西布魯特有東西之號在東者分鄂拓克為五

新恩恰值伊縣峪布祐圖昂阿乙亥歲平準噶爾噶爾

克歸化使臣根扎噶喇等亦來朝於此今歲布魯特歸化其使臣亦適朝觀於此地靈佳兆有如此神奇者因

名其峪曰伊綿伊綿者舊識兼逢達瓦齊時達瓦齊扈駕預宴詢諸

使臣知其舊為台吉勤遠拓邊凜古戒捧盈恭已奉

時曾識之笑語甚懽

天禔

叢薄之中聞有虎三子逐逐隨其母鎗斃於菟及一子

其二曳尾藏深莽惡獸應弗留餘孽是非所云不探卵

叶因命生擒觀壯材羽林微虬皆暴怒兩人搏一何足

云一人獨攫誠堪詡其名乃曰貝多爾索倫侍衛中英

楚手尾挈領安且詳須臾虎兕入柙擄被斑綉白涉鋪

即曼寺之十三集 卷七

張豈似今朝萬目覩喜亦詎為萬目覩適有新歸化布魯

右部哈薩克歸化遣使朝貢詩以紀事有序

其二右部哈薩克其汗曰阿比里斯與塔什罕城回人

等接壤雜居地廣人稠不下左部阿布賚所屬向

為厄魯特間阻未通聲教今年秋叅贊大臣都統

富德追捕準夷餘孽哈薩克錫拉兵至其地會塔

什罕與右部哈薩克構釁互擊因遣侍衛蒙固爾

岱等宣諭威德哈薩克叩首輸誠即日遣使朝貢

而回日莫爾多薩木什和卓亦悔悟息爭並令頭

目同時入覲念兵非得已而所至如歸披閱郵函

輒臚其緣起如此

偏師西海勦逋逃取便恩宣雜種曹豈謂解紛更釋難

時右部與回人方背水夾勝蒙固爾岱等匪徵目宿與

葡萄情欲左部榮同被其疏畧云右部素與左部阿布

効請倍左部德慙去聲兩階會偶遭厚往薄來九經式持

盈保泰一心操香

九日

御製詩集卷之三

木蘭雅合度重陽處處登高是勝場漢殿空傳蓬餌食

拂菻遠識鬱金香時布魯特隨圍亦預宴賜唐書勃律傳地宜鬱金綠莎宜馬

滋逢暖紅葉藏麋艷鬪霜小矣淮南稱盛會鴻網萬騎

總軒昂其

出崖口其

廿日木蘭事大蒐惠遐示度禮粗脩罷圍纔出峭崖口

遵路旋過野渡頭漫戀友羣歌悉率恰欣場圃報登秋

山莊錫宴應聊駐懷遠寧教愷澤稠

木蘭迴蹕駐避暑山莊之作

木蘭脩獮薄言迴小駐山莊鎬宴開未久秋風催轡去

訝同日影上窻來千層錦樹紅兼綠一道玉溪漩復洄

尋鹿得欣否亦可園中麋鹿甚多時鎬獲之為他巖景耐徘徊

阿克蘇城回衆投降詩以紀事

回衆築城居取之原屬易庫車其東戶防守所特備徒

以將無能久困致自棄先是已兩勝方逆狗赴援庫車官兵一殲之於托

和龔再殲之於鄂根河逆黨斃者五六千人賊勢大蹙唾手可就擒獲兵威亦云熾雜種

况夙怯失城更恇悻是宜鼓衆前先聲圖成事而何待

益兵稍進復停轡逆狗已失庫車雅爾哈善不即乘機進勦藉口需冰惠兵至將前忽却屢

卸裝寺文全集 卷三 三

失事 割穀資兵糧前途穀滿地不過藉口倉遂其遷延

計夷考回所據大城原有四曰葉爾奇木哈什哈爾暨

阿克蘇烏什其餘率小類阿克蘇今歸實斷其左臂故

緣彼城中伯克乃新置霍集占心腹霍集占既歸舊部各城皆置其心腹

以為脇制比聞大兵將至阿克蘇回象即協力與逆會拒戰逐其所置伯克獻城請降強從非眾

意今聞被創敗倒戈更相拒叶戕害其用人獻城降遣

使此又宜速赴河上逍遙竄阿克蘇既以城降正可督兵前進諸城可傳檄而定

雅爾哈善乃以禾稼在地欲為坐食株守之計豈前途獻地相踵轉慮費糧不給耶是謂棄

天祐作孽乃由自易帥明憲章時命將軍兆惠星馳往代其軍將雅爾哈善解

京治靖遠佈恩惠殲渠赦脅從敷化逮闇昧劬哉勉運

籌顛若冀

明賜

萬樹園宴布魯特即席得句

鱗集仰流鹿食萃筵開萬樹洽與情舊藩每看聯新部

夜雨剛欣湊午晴聲教遠通婆夷水恩膏直逮孽多城

敢云揚

烈幸無忝惟益臨深勵守成

萬樹園賜布魯特人觀燈火

鍾峰正掛玉輪盈

時九月望日夕

合燦煙花愜遠情卉服毳裳

朝麗正

山莊正門名

逃疏習爽耀光明從來不識燈王法

布魯

待本回部不似蒙古敬黃教

幻裏疑遊迦布城

彼處地名

歲歲山莊行盛

典心殷保泰益屏營

九月廿五日進宮之作

三朝旋蹕略休停

廿二日自木蘭迴蹕至御園

勤政依然式九經

太室脩嘗歸紫禁

仙園養

志奉慈寧

時屆孟冬之祭應還宮園居故仍名暢春園將來往問安視朝期均

聖母以年高樂

不娑夷

布魯特地名

鄂畚

哈囉克地名

同文軌岳樂伊綿

二處皆木蘭內

圍場地名

更戶庭保泰心惟益乾惕嘻嘻曷敢勵惺惺

昔烏什城酋長霍集斯伯克攜回眾獻城降詩以紀

事

執渠早是被恩榮

先是達瓦齊自格登窮竄霍集斯伯克奉軍檄設計縛獻錄功褒賞畏

逼遷隨尚近情

霍集斯伯克與小和卓木均係回目識特為所強懾因附和觀釁罪在可宥

順料伊將倒戟

嘗與軍機大臣籌畫軍情會諭及霍集斯伯克有擒獻達瓦齊一節我軍至其

地彼或降順比大兵既近伊果筵款小和卓木

計圖擒縛因為潛覺遁去遂率眾投款軍門

我願佳兵申明昧雉霜嚴令

庫車之圍逆酋唾手就獲而失律者貽誤因命將軍

兆惠往代就塗次執失律之臣明示顯戮軍威大振疊見牽羊肉袒迎

天祚人歸速底績越因兢業凜虧盈

孟冬時享

太廟述事

質明徂位展虔思職事天潢式禮儀追遠不縣一脈

靖遐者定萬年基不遲廢徼迴瞻廟有肅冠裳列迓墀

昔厠大宛今布露

去歲哈薩克來朝今年布魯特繼至並以秋獮迴鑾携入京師適當

冬嘗大典於午延庥孰匪

祖威貽

御園初冬御園與寒日央壁啟龍王

冬孟修

禪孝思舒平明命駕候

輿居更因三接懷柔遠

將於御園再宴布魯特命迴部落

聊值萬幾清

暇餘楓葉耐暄紅間綠菊花過節秀而疎春園莫漫誇

桃柳悅志由來在集虛

將之盤山駐蹕湯泉行宮作

右部哈薩克歸化侍衛挈其首領將至故往田盤

令彼覲謁欲因攜以行圍並至南苑大閱示我國

家耿光大烈非為一已之豫遊實係萬年之式度

問

安啓蹕卓午駐旌聊詠七言用誌初頓

耆定伊犁車甲發嶠山左右惠同叨扈行俾識朝家制

大闕兼陳士氣豪垂拱待參詎非逸觀揚永勗敢辭勞

問

安啓蹕初程近興引烟宮一染毫

曉行

問夜無端到曉晴輕輿遵路破寒行甫田失望均鋪玉

只染遙峰一幟成

怪底輕裘尚覺寒北山積素盡雲端因之為去聲憶玉關

外佇待郵函報捷看

接踵雖頻覲蕃部繫頸平聲有待獻狗渠衝寒僕夜休嗟

爾討逆官軍更厘予

雲罩寺

跋馬盤雲磴石林謾天風高處不勝寒颯景况臨冬我

忽憶萬里官軍奏膚功勃律雖稱臣堅昆待誅兇傳蹕

歸山莊佇覽達郵筒

御製詩文十全集卷十三
平定回部第四之二
詩五十首
右部哈薩克及塔什罕城回人布魯特部首領胥
來觀謁恰至山莊曲宴示恩點筆成什
戊寅
罷爭歸化信堪嘉
見前
舉踵延頸
平
豈計遐
左部哈薩克
距京師
萬里而贏至右部所居迤西去左部尤遠據云久懷歸
化之心以被準噶爾所隔今始遂本願塔什罕布魯特
皆其毗連
向日心殷身忘卷
侍衛攜之乘傳而來日行
遠部也
三百里歷兩月之久方到
皆不言勞且懽忻踊躍稱真
敷天無外總為家詎期葱
從日入處得到日出處也

臣胡長齡恭校

御製詩文十全集卷十三

平定回部第四之二

詩五十首

右部哈薩克及塔什罕城回人布魯特部首領胥

來觀謁恰至山莊曲宴示恩點筆成什

戊寅

罷爭歸化信堪嘉

見前

舉踵延頸

平

豈計遐

左部哈薩克距京師

萬里而贏至右部所居迤西去左部尤遠據云久懷歸
化之心以被準噶爾所隔今始遂本願塔什罕布魯特
皆其毗連
向日心殷身忘卷
侍衛攜之乘傳而來日行
遠部也
三百里歷兩月之久方到
皆不言勞且懽忻踊躍稱真
敷天無外總為家詎期葱
從日入處得到日出處也

嶺殊言侶也厠田盤曲宴加南苑紆臨俾扈駕視前來

者肯教差

先是哈薩克布魯特來朝俱令扈從木蘭行圍今時當仲冬大閱因於盤山觀講之次道

便攜赴南苑俾得預觀講武以均恩禮

輸忱乘傳走陪臣萬里餘程日六旬賜食山莊禮粗習

隨圍海子惠重申獻芹乃解歸俘黨賚幣何妨不受人

阿睦爾撒納之姪伊什扎而先為我兵所俘旋脫奔哈薩克又轉售於塔什罕城皆未知其為逆酋族屬也侍

衛蒙古爾代到彼識之告以其故遂縛來以獻與人觀人同至念其年幼無知且非逆酋嫡子孫比因嘉回人

執送畏懷懇誠特賜以幣並勅釋還之

自是開門胥識義應教漏網共懷

仁

南苑行圍襍詠

盤谷迴鑾攜貴山柏冬苑景益蕭閒先來大獮均曾預

上年左部哈薩克及今秋布魯特赴觀木蘭皆得隨獵今右部哈薩克等繼至攜赴南苑閱武錫宴乘便行圍

亦令其隨列預觀小狩應教視此間

草枯廣甸馬蹄輕疊中非誇技擅精驚喜從他遠方訝

歡呼驗我衆人情

疎蕪淡靄接寒林勒馬凝思亦偶吟二十年前習獵我

原無爾許創垂心

賜哈薩克布魯特等宴卽席得句

烏孫掃淨玉門開受號爭先肯後哉獻馬不須金馬去

右宛今效左宛來踵前布露相伯仲布魯特東西二部均於今秋觀謁而

回茲西部最遠者與哈薩克同至罷戰康居總厠陪塔什罕城回人先與哈薩克相爭今

修好同誰道蒲萄經歲久三巡早各醉芳醅來入觀

仲冬南苑大閱紀事

廿年一舉寧為數乾隆己未大閱主今蓋廿年矣周禮分明節候論便

設軍容示西域時哈薩克布魯特塔什罕回人等皆令預觀佇看露布靖堅

昆適日盼將軍兆惠喜音殊切於懷好齊以取干旃颯既正還奇萬礮

喧風日晴和士挾纊非予恩也總

天恩

南苑賜哈薩克布魯特塔什罕回人等觀烟火燈

詞

款關定竿復存邛慶典頻繁舉仲冬為耀光明津疏狹

先陳曼衍引魚龍

燈火城南六十春康熙二三十年間元宵蓋曾在南苑陳烟火後以建暢春園率於彼度節

不復在此觀燈者六十餘年矣重觀因賚遠來人村民遙近扶攜至不

禁金吾例可循

百道流虹貝闕朝光明彷彿上元宵田蠶事例雖云早

已盼霏空六出飄

後先接踵共來尊難學蕭王閉玉門爆響連珠成捷報

便期早晚定堅昆

時我師方圍葉爾奇木城日夜望捷音之至

風定時暄夜正長上弦魄影已騰光

時十一月初五日

周家建

子原正月想是嫦娥也為

去聲忙

鱗集應教一視同避寒燈火夜深烘高張黃幕三巡罷

訝似清涼萬樹中

山莊三十六景內無暑清涼後即萬樹園邇年觀燈火宴遠蕃之處

翠火明燈玉樹攢化城蜃閣絳雲端元宵預借休相擬

惠遠寧為好樂觀

萬幕高竿揭野燈半輪真是一條冰肩輿宴罷還行館

惕夕因心畏益增

黃鼎溪山行旅

溪路山程繚且紆青帘野店有招呼如斯行旅猶稱苦

萬里從軍可忘乎

時官軍征勦逆狗亟盼捷音之至

我軍

我軍取烏什酋長款復獻

阿奇穆霍集斯伯克阿奇穆伯克者回語大頭目霍集斯

其名也

元戎乘良機率眾直前進其奈隆冬時枯草經蹂

躡以此馬不肥奚堪供斫陣况臨彼巢穴螳臂孤注奮

借一誘我軍萬騎逞驅趁我師纔千餘鼓勇無退寸橋
地度四百忠義人爭勸殺賊至千餘矢盡接短刃涉淖

退保營相持城下頓十月六日我師直薄葉爾奇木城賊緣邊畫溝立隊自固我師以少

擊衆所向披靡三戰殲獲甚夥賊擁竄入城不出將軍

兆惠以賊游牧在城南英莪奇盤山計乘虛襲賊輜重

制賊十三日取道城東渡河未及半而橋圯我師過河

者纔四百騎遇賊馬步萬餘張左右翼來戰而地皆沮

如人馬不能如志且戰且踰河退保大營雖遇挫衄而

人如効命殺賊千餘我四百人中纔傷一百時營中餘

二月餘糧高壘深壕以待集師協勦壯士遴七人星馳兩致信將軍遣索倫侍衛五

十保等兩次賈勇突出遇賊衆遮道者戮之齋奏達阿

克蘇城時參贊大臣舒赫德駐守因令五十保馳驛迎

趣援師且直抵京城面奏軍情事俟師齊即率以赴援舒赫德留守諸回靜以鎮

羽檄催後師繼進期颺迅畢齊阿克蘇赴援雪深恨夷

考兵興來曾無遭挫勒此番客主殊不幸致事債兆惠

稱輕敵請罪誠不吝此非退縮比誰逆料利鈍終能寡

勝衆允由効忠盡奚忍更加罪褒嘉章服晉諸臣諸軍

士行賞以功論命兆惠出伯爵晉封武毅謀勇一等公加賜寶石帽頂四團龍補服餘大臣弁

兵等封賞優叙有差晝夜促後軍直前金鼓振欲藉士敵愾今夏特命

派索倫察哈爾健銳營及陝甘綠旗兵繼進已過關展

而將車富德參贊大臣舒赫德等聞此信各羽檄催進
其領軍大臣侍衛等無不切齒逆獬衰皮食仰冀
肉人人同恨計十二月中可至某爾奇木
天助順捷音共春來平回鴻續建

冬至

南郊述事

金鳳占風來廣漠鴻龍轉律啓韶陽六宗依典修元祀

一意惟欽對

昊蒼澤國幸邀

賜豐稔今年豫東江南各屬以頑狗更冀靖猖狂背恩

戕使先開釁逆猶大小兩和卓木爲厄魯特狗繫有年

狼子野心竟致反噬我副都統曲直問惟

帝鑒詳

苦衷

苦衷曾已賦西師孰謂頑狗尚守持當俎刀操終必割

在弦矢發可容遲獨慙

天與人歸會竟致窮兵黷武嗤師直理長觀事定目前

浮論付憑伊

除夕

璣衡臨宿歲簫鼓又迎年大吉圖金薄宜春換綵箋詩

重詠貞觀心遠憶于闐佇共東風裏三軍奏凱旋

己卯元旦己卯

細縕天地三靈協發起陰陽萬物融星德喜贏滋百長
木行從正建時功南邦水土平成慶西極車書拜舞同

同日霍集斯伯克之子勤政歲朝逢己歲益欽理紀省

微躬

元旦試筆

祥啓屠維冒茹駢青陽一律遍三千歲開

天紀欣迎祚月建王正勵體乾馨管韶英宣太簇衣冠

鴛鴦則于圃時賜漢昭巴爾諸軍昨報平安信實沐

恩禧意倍虔將軍兆惠等與賊相持昨據舒赫德奏

報降回至阿克蘇者言我軍中有一厄魯
特逃出至狗軍稱我營內掘地得回人埋糧百餘審且
布魯特又侵彼哈什哈爾城以此兩和卓木欲議和而
我將軍不允此際舒赫德已領兵進援
計日可到餘糧之獲實賴天佑也

爆竹千門達曙鳴鞠陵初旭耀晨明土爰稼穡資豐稔

木盛春陽肇發生南北東西共文軌京垓億兆願康平

金川耆定溯前己平定金川乃己年今歲又逢己佇叶

貞符聽凱聲是幸理紀之符願遂武成之慶

春臺重華宮曲宴于闐回長漠昭吧爾

朝天兼值預朝正曲宴宜教沐寵榮爾父誠為識時務

漢昭吧爾之父霍集斯伯克先以縛獻達瓦齊得邀獎
賚比大兵討回部復自烏什赴阿克蘇投將軍兆惠軍

營隨征自効而遣其子入覲

王臣詎有限裨瀛

是日御前行走蒙古青海諸王公皆在座

舊宮小會輕齊史新城來賓願武成人律東風方湊達

春臺樂與物咸亨

負荷邊文進栗喜圖

栗喜立報喜寓意真可人捷音我殷佇擬即聞新春

木盤新正瀛臺小宴御前藩王大臣及漠咱吧爾

運斗皆維單闕迴順時行慶合瀛臺千羣尚可冰嬉試

三接都教春宴陪屏翰何妨廁慈嶺歡娛齊說到雲來

鵠場晴靄因觀射

是日發十五矢中十三蓋外夷雖宜宴資厚惠尤當示之以射獵之事彼

更樂亦畏服示遠寧徒好樂哉

已卯春帖子

氣轉人正律節迴冒茆春

慈寧用寶扇獻

壽喜芳辰

勃律大西已貢琛獨餘雜種背恩深三軍氣與陽和鼓

佇共春來報捷音

人日立春

東郊今日展春旗來復成人百事宜北采西鸚無異候

盧仝蘇軾有佳詞勝徵寶帖圖金溥生意瓊盤飴菜絲
已歲節還逢瑞已冀符理紀捷音馳

祈穀禮成述事

元辰涓選協休成

嘉祀恭承敬以行

侑食同壇欽陟配

吉欲在上仰昭明方興東作希霑雪保定西陲願洗兵

卯歲祈年逢卯日祥徵滋茂

福蒼生

新正曲宴外藩

外藩俱屬百年臣新有西方向化人

時漢咱吧爾亦令預宴肅肅

彬彬遵禮法彤彤洩樂和闈瑞雲時點霏微雪嘉夜

先占美滿春却為三冬待

恩久敢稱怡慰益顯寅

即事

霏珠積玉寸餘纔傍曉春雲忽散開點綴園林固佳矣

潤霑畎畝尚需哉池水無月何妨鏡苑樹有花都是棗

天意入春頻兆喜更殷捷報自西來

上元燈詞

西山積素看微茫未愜優霑實兆祥暢好元宵雖得度

近作望雪詩有暢好元宵度得不之句 劬勞農務那能忘

耀古輝今上元夜重熙累洽大清春東皇福與燃燈似

萬億無央錫兆民

都盧瑒極各排當傑構延樓對廣場又是新年春好處

太清珠鏡自如常

西漆南油種非一冰花沙戲巧頻增還淳同樂互衡量

難說相應與不應

况是承

歡殷祝

壽更因惠遠示綏和帝城三五從來盛今夕歡娛得聽

他

寶篆書聯徵吉語朶雲噴樹苗祥花可知樂未饒憂切

為厘官軍萬里遐

青烟一綫萬雷轟俗例曾誇礮打城擬葉爾奇木兆破

捷音早晚達都京

于闐厠座比藩臣又報貴山來謁頻

時回長漠自把爾預宴而哈薩克汗

河布賚之姪俄羅斯蘇爾統等三十六人檢校龍門西域
人復以赴觀將次至京猶得預觀燈火
傳可如覲面話傳真

燕九日聯句有序

理紀占年長春恊序六出頻霏玉糝試燈積並收
燈一弦縱減冰輪既望明同幾望當十千之吉兆
志喜為宜矧三五之初過聯吟有待因循歲例載
集廷臣韻押疊雙題拈燕九時則黃柑粉荔猶襲
坐以餘香鶴欲翫膏更侵宵而增色分牋屬句漫
陳汾上之詞即席興懷方佇回中之奏伊昔崑崙

俘獻狄青績著燃鐙淮蔡城摧裴度功成冒雪乃
者陽回青陸捷眄紅旂軍利因糧既火米純牛之
畢獲人欽奉賚又宛駒闌璧之借來庶幾簫鼓競
千門便聽金鏡叶響賡颺胥百職還期朱鷺呈篇
云爾

御製傳柑曾未共摘詞節近收燈雪繼施聯句應緣不可
闕

開筵復此未云遲日邊令序傳燕俗天際真人憶
鍊師寒淺乍過挑萊侯臣傳暖烘未到泮冰時一

堂佳氣迎晨發萬里和風入座披無逸久承

天子訓臣來保載賡重仰

聖人詩祥光最喜朝霏玉綺語猶思坐咏獅壬申歲聯句詠雪獅

早見九賓隨

玉輦臣史貽直不妨百戲舞

彤墀珠光宛轉之而動瑤瑄參差太簇吹火裏花開金

菡萏臣蔣溥

御製壺中光現碧琉璃城如夜破吳元濟旂盼春拳葉爾

奇擬聽捷音喧爆竹

先看寶帖寫隃麋風行解澤乘春令電掃妖氛淨

塞陲宵度崑崙有襄武臣劉統勳春來蓬閣識安期白

雲留觀猶傳古紅杏張燈又覩茲瓊圃翻翻梅吐

萼臣稽璜玉關迢遞柳添絲陽回大地和均展德布

先天惠不遺溫樹生花供苑令臣秦蕙田時出豐玉報

農司西山爽豁蓬婆戍

北闕晴開太液池慶賜遂行歌且舞臣開泰

御製土膏其動潤而滋瑞霽補散三冬葉火榭重輝七寶

枝佳景正欣同甲戌甲戌歲亦於燕九日得雪

仙源自昔溯鍾離道教自東華少君授漢鍾離權傳唐呂岳分爲二宗處機爲北

宗七真之一北宗真籙曾登幾東海高風更屬誰弱水

三千凌島嶼臣董那達銖裳十八從此虬螭鶴歸遺跡留

華表龍化奇蹤寄葛陂曲譜瑤臺歌宛宛臣劉綸琴

收玉振韻猗猗長春樹拂雲千縷太古壇函月半

規月竈氣蒸虹蜿蜒臣裘日修琅璈節按鳳蕤霞棲

迴指樓臺迥雲卧常思蓑笠狝寵錫璽書名不以

臣介福

御製席虛庭燎夜何其清心寡慾是伊說久視長生非我

知惟有祈年意恒切

更思阜物俗還熙升馨告潔邀

天貺樂歲銷兵厘

聖思琪樹泛光搖駮娑臣觀保玉塵飛屑上罽恩三三徑

外山披絮六六橋邊冰漾漸空際撒鹽埋馬耳臣王

際桁頭收翠隱峩眉銀盃逐騎分凹凸繡剡交哇

畫鄧棊北里歡娛徵綺陌臣錢維城天門詆蕩傲雲遠

魚龍曼衍真如此燈月交輝信有之佇候遨頭需

嫖姚臣陳惠華

御尚餘焚尾待波斯時哈薩克汗所遣陪臣俄羅斯蘇爾統等計日至京觀謁將賜宴觀

燈五層圓鵠彎弓射幾隊青驄擊鞠馳累洽帝京多勝

賞

開韶

禁籟迓繁禧傾心西域來蒲伏如意東皇令指麾竹簡

編從荆楚記臣錢汝誠金錢買許越吳支豐年處處連

棚樂化國人人擊壤嬉剪勝纔翻銀燕子臣張泰開踏

歌猶唱火蛾兒星橋賸放金門鎖雪椀重挑翠釜

匙蟾窟分明邀桂父臣王會汾花旛次第護封姨上元

曲步崔張撰素漣辭看沈宋隨宴踵荔筵符卜繭

臣金

御韻拈珠浦競探驪春明增錄今宵合汜勝占書五穀

宜節過明朝逮開印疇咨勤政共孜孜

哈薩兒汗阿布資之姪俄羅斯蘇爾統及其陪臣

來朝詩以紀事

貢徵曾弗責包茅厚往頻來不藉教命彼近親亦台吉

獻其方物乃蒲梢皇輿豈必論疆界廣運何妨示與胞

偶值咸賓殷保泰乾元切體九三爻

填倉日命哈薩克人觀燈火

委羽來經五月程上元盛典值都城得教餽節觀燈火

為示懷柔洽眾情風台地來不蘇塔命於改藤亦台吉

陪臣數已較前多更見親支遣洛那俄羅斯蘇爾統為阿布賚下之姪在

其台吉中分最親因專遣朝觀邀賞慢須惜繁費來入多則賞物多外夷見小習氣皆然

古來服遠幾經歷日朝各道江共好好

化城蜃閣無邊幻翠火明燈依舊新亦有花翎曾至者

解稱兩度沐恩人陪臣內有伯克訥者前年入覲得邀寵章之錫令再至即載所賜花翎意

殊自喜示榮侶伴

虹光百道燭層霄信有龍門焚尾燒漫誚重儻增頓置

上元屈指纔去聲旬朝聖恩示大歡

御園賜宴哈薩克蘇爾統俄羅斯等即席得句

比紘向化至烝烝懷遠應施慶賜仍親族况來蘇爾統

哈薩克汗族而為首領者則稱蘇爾統蓋如準噶爾台吉之類關河遙別客斯騰哈薩克阿

卜爾嘛密特所居城名也玉花尚積賺山雪火樹剛收太乙燈典盛

漢家歌天馬持盈惟益勵兢兢與四海交聯

勤遠寧同道出駝畏懷幸致望風降傳觴何必稱瑤水

命舞還教出帝江眩耀口騰明吐火倒投跟絳戲緣幢

奉時行慶非誇富錫命惟三協萬邦

射八韻有序

紫籙韶昌九品正資宣對黃問春永四侯爰肄幾

閒當御耦之催班更宛人之入侍既掄才而授位

三五聯行喜弓燥而手柔疊雙呼雉前者蕃王負

弩曾陪靈囿三驅今焉屬國奉琛復觀和門九節

念茲觀德為國朝所素嫻雖值率賓敢

家法之稍懈非誇獨擅畧示大端

園門曰出入賢良正大光明殿前正門理事恒茲引對

皇考御額也

敷多士惟殷斯籲俊遠夷兼值彼來王綠籤器使掄庶

位驛角親彎試廣場志正體平力奚主執專藝熟中去

還常是日發二十矢中十八末示之所尚傾心服命以

同為到手忙時命哈薩克能射者均得預列及鼓弓注

之滿洲索倫相矢動不成節蓋外夷或有習弓矢者然較詎止朝儀浹宴樂要令平廟畧驚張皇

外夷惟知重武宴會百戲彼雖樂觀終不若示以射獵

彼乃誠心悅服不敢輕視中國故朕每於此亟亟焉

恬文嬉武夙為戒

祖制中春祭天庥敢不覆珥筆儒臣從紀盛自予

御製詩之二卷之三

家法奉無疆

脈師仲春祭

社稷壇

午門西轉繚垣通吉戊

春祈凜必躬五土封壇尊

社稷兩珪有邸致欽崇樂宣太族調元律

惠遍三農贊化工更冀

鴻庥錫保定獻俘壘外報成功

張鵬展恭校

御製詩文十全集卷十四

平定回部第四之三

詩三十首

我師 己卯

我師萬里外馬力實難繼况深入賊巢主客勢誠異以

此被所圍固守鼓衆氣豈忍罪輕進惟獎勤王事

上年十月

十三日之役將軍兆惠直薄葉爾奇木城僅以四百餘

人衝勦賊衆二萬餘又道遠馬乏卒有挫衄然深溝高

壘悉力持守賊不敢犯其果銳沈毅有大過人者若輒
是以屢詔褒勉而再三督援師速進以接濟亦不待督
趣諸軍刻日赴援

責敵愾人同勵

參贊尚書舒赫德於阿克蘇先簡駐城銳卒並督諸路兵先至者星馳往營而

將軍伯富德等

以統滿洲索倫察哈爾及綠旗營兵取道雲集參贊公阿里袞以次解馬濟師一時軍聲士氣

益振

為之屈指數聲居諸兵應臨彼地爭勝在俯仰所關信

非細中夜不安寢亟盼佳音至忽傳驛致章秉燭披衣

視叶鏖戰五日夜斬將塞旗幟副將軍富德參贊及軍

士叶同心成巨功殲賊數千騎

富德報至稱本年正月

初六日統兵行至呼爾

滿地方遇賊騎五千麾眾夾擊轉戰五日四夜會參贊

阿里袞督解馬匹亦至分翼所陣賊眾創潰戮賊千餘

人餘悉負傷收竄而逆會大和卓木勝中

鎗傷賊眾昇之入城且潛回哈什哈爾矣

已近將軍營

通信卒遣四乃時將軍兆惠營中聞鎗礮聲知援兵已至

乃乃勦兵邀戰將賊營焚燬數處且陣戮千

餘人生擒五十餘人獲器械無算並遣索倫回頑狗百

兵各二人自軍門持牘相聞富德因附以入奏

計攻官軍一意備以此歷三月無恙皆寧謐

叶兆惠檄取援兵劄云營中有餘糧可支二三月為堅壁

計自後洞會或用雲梯或用決水皆為我兵先覺應手

破之而營中繕備益嚴故困守雖逾時而人皆有

固志至是馳報自將軍下逮介士並整暇如故云

夾擊策一舉期功遂四月寤寐縈今朝始慶慰殷心念

眾勞額手感

天賜佇待捷音馳國朝威遠被

圍解萬里遠懷紆午夜頻

客冬將軍兆惠等薄賊城堅壁固守三閱月趣調援師時

圍解萬里遠懷紆午夜頻

客冬將軍兆惠等薄賊城堅壁固守三閱月趣調援師時

繫宵旰至是始得正月十四日將軍誠善守

官兵勦賊解嚴兩軍會合之信天意本先仁少挫終能勝知難在審因勞哉惟眾士予

曰有良臣更議擣虛策相籌應變神逆猖大和卓木已遁回哈什哈爾危

城勢同孤注惟慮小和卓木乘隙兔營終詎脫獲屈乃

潛突豫籌於各路偵備以防險

求伸將軍中方議乘勝進取因念士卒久勞且兵饟在道正宜少休養銳勅於附近城中駐營以需繼進

重賞斯寧吝明征要必申舞干雖美事何以謝軍人會

反噬稔惡傷我官兵非脅從比惟怯無識之徒或議解圍却城可以罷兵匪直無以申國威且何由潔士怒耶

勤遠非本意乘時賴情更流懷一

天佑子曰有禦侮子曰有奔走準夷永蕩平敢詡武德

茂賁緣討逆獨戰勝頻捷奏重賞實未惜神勇亦屢邁

逼巢堅城下強弩致逗遛羽檄繼進軍重圍急援救夾

攻士氣張况當疊破寇肉薄豈不易傷眾予心疚以此

合稍戢齊力圖其後惟是閱時久待秋乃功就枕戈眾

效忠擊鼓吾哀鬪焦勞分所當萬方均在宥塵彼此詎

忘惕乾惟益懋五千里

黑水行面請其效

喀喇烏蘇者唐言黑水同去年我軍薄狃穴強弩之末

御製詩文集卷之五

難稱雄築壘黑水待圍解詎人力也

天幘幪明瑞馳驛踰月到毅勇承恩公明瑞 孝賢皇

問為前鋒召回京問以被圍情狀自葉爾面詢其故悚

予衷蜂蟻張甄數無萬三千餘人守從容窄米濟軍軍

氣壯奚肯麥麩山鞠窮引水灌我我預備逆猶導渠淹

兆惠等預開溝引之反資眾飲用益豐銃不中去聲

營樹何至析骸新材充著木銃鐵獲萬億賊據高施銃

樹上我軍所木為薪木中得鉛翻以擊賊賊計窮先是

營內所穿井圍將解乃智其中聞言為之悵諸臣實鞠

躬既復為之感

天眷信深崇敬讀

皇祖實錄語所載曾聞我

太宗時明匹總兵來戰正備大霧彌雩雩敵施火礮樹

皆燬都統艾塔往視攻回奏敵礮止傷樹我兵曾無傷

矢弓匪今伊

昔蒙

帝佑觀揚

前烈勵予冲詎人力也

卸製寺文十全集

卷五

天帡幪大清寰海欽皇風

和闐賊遁詩以誌事 并序

和闐爲回部扼要重地所屬六城曰伊立齊哈拉
喀什玉隴喀什齊喇塔克克里雅而統名之曰和
闐先是將軍兆惠遣侍衛齊凌札布噶布舒及回
長鄂對伯克等往招歸順繼大軍被圍小和卓木
遣賊黨往攻和闐齊凌札布噶布舒等分守伊立
齊哈拉喀什玉隴喀什三城百計抵禦以待援師
其餘三城力不能支復叛降賊兆惠等解圍之後

卽遣副都統巴圖濟爾哈爾瑚爾起等分兵馳救
望見賊營時值大霧瀰漫我師乘勢奮勇直前衝
擊殲其渠魁阿布都海里克及和集雅斯二人鄂
斯滿被創竄去餘賊悉遁和闐得以解圍其三城
仍卽撫定

傳檄曾聞定六城狂且怒臂致加兵力單三堡重 去反

覆

伊立齊哈拉喀什玉隴喀什被圍時齊喇塔克克里雅城內降回度守禦單弱不能自存隨復叛從賊

計守十旬實勇誠產玉河邊遁敵騎採花沙上識王旌
古稱羊侃斯爲盛何吝嘉勤爵賞行

博羅齊行

博羅齊者鄰和闐賊獯據險偵我軍先是圍解黑水困

元戎遣救掄二臣

去冬將軍兆惠兵備葉爾奇木特勇

所困乃築柵黑水之地相持累月小和卓木乘間遣賊黨伴圍和闐六城已失其三逮副將軍富德統兵應援與兆惠夾擊破賊圍解之後兆惠與諸將集議遣副一都統瑚爾起及巴圖濟爾哈爾率偏師馳救和闐

為瑚起爾吉林舊族世受恩一巴圖濟爾哈爾乃厄魯

特宰桑其勇誠超羣同心協力速赴援率軍數不能盈

千途歷戈壁不毛之地負甲步進無俄延哈拉哈什已

垂陷齊凌札布馳來言夜急行至伊立齊時賊望風先

逃奔集兵拯哈拉哈什賴

天大霧瀰漫乘霧直搗賊營後伺怠奮勇攻中堅斬

將舉旗獲輜重孤城恢復餘俱安昔薛延陀禮神能致

雪冀困李勣終乃自傲焉此霧或亦敵鮓答

西域習呪術者能禁

制作使風雲雨雪霜霧名為鮓答

翻為我用成功全易云

天所助者順向猶未信今信然持盈知足感

帝佑敢肆志詡能開邊

墨爾根巴圖魯瑪瑞斫陣歌

乙亥以來有事戎賴我眾力成膚功重賞之下多勇士

捨身圖報羣輸忠舒布圖鎧實巨擘三巴圖魯繼厥踪

見丙子後乃不可屈指數就中瑪瑞尤稱雄經卅餘戰

皆首出塞旗斬將誰爭鋒鐵騎憑陵諸鄂拓準夷部肅

清伊犁揚英風今春我軍急進援富德率軍如羆熊瑪

瑞命領塗路首蒙古語先鋒探信者呼爾瑞處賊迎攻堂堂之陣

賊辟易瑞乃獨進躡寇窮金鞭連策大宛馬繡轡不用

用雕弓一箭正中賊要害再箭倉卒乃落空三箭終殪

賊墮馬忽忘深入賊隊中蜂屯蟻雜齊擁簇瑞之馬斃

倒沙蓬捨馬步戰短兵接叱咤凌厲氣如虹我軍隨進

瑞乃出檢傷十處去聲其躬以帛裹傷明復戰義膽自

有神併懾花門降胡咋舌歎如此超勇聞何從將軍一

一據實奏不奇其勇憐其衷設非立志忠且壯安能效

命功名崇馳驛令歸不可再嫖姚賜第今堪同席前備

陳隕涕聽厚賚覺未酬勲庸仍歸禁旅領宿衛命為護軍統領

若無曩勩搗謙冲古來歸奏未央殿却聞天子不召見

賜將軍兆惠書扇

火嶺炎蒸劇將軍未解鞍國威揚萬里臣節率三單贈

獎赤心篤持同白羽看黃香思漫引存問悉平安兆惠母年

高時遣
人存問

賜副將軍富德書扇

師進和闐路搗虛事夾攻恩威僕儻識甘苦伍偏同推
解厘予念馳驅勵汝忠筮頭題句贈回部播英風

哈什哈爾回眾投誠詩以紀事

今春圍解黑水營黑水即喀喇烏蘇地近葉爾奇木去冬將軍兆惠等築壘固守處也全

師迴阿克蘇城賊不敢遮亦不綴彼力創竭足堪徵比

塞調馬往二萬益以索倫之勁兵以布易回粟供餉回

以布為珍用兵在阿克蘇時命轉餉者運以易粟膳軍省費三十餘萬復勅內部就產而各省採解不以煩甘

涼以被數月休息胥飽騰整師兩路一時進殲渠務使

回眾寧回會兄弟分處兩城枝梧策應命將軍兆惠等由烏什往哈什哈爾富德等由和闐往葉爾奇

木帥兵同時並進令其首尾不救以期俘獲屈指此際壓賊境又盼佳信夙

夜縈朝來驛致將軍奏兆惠報回眾投誠拆封披摺一

詳覽歷歷都悉軍前情進至伊克斯哈拉地名將軍兆惠進兵攻哈

什哈爾開六月初三日行至此地前隊中夜聞人行參贊公明瑞於前

進圍蹶之詢得哈什哈爾回人和濟默爾等六人同聲納降云云奮勇圍捉喊勿殺是

投誠者來相迎久慕歸順大皇帝奈胥霍集占弟兄大

和卓木今肆掠想同伊弟潛逃生舊伯克等差我輩願

師速往揚威聲馬驢牛羊被擄去欲追擒彼嗟無能懇

籲將軍早赴援庶和卓木未遠征兆惠悉此率兵進通

信富德同謀乘來降回衆云其屬方分投兩路軍門時兆惠聞信即移知富德軍以便協謀乘

勢進相機持重慮賊詐兆惠奏言回人情詞雖無可疑而受降如受敵兩軍並加意慎

重以防詭計更慰萬里繫念忤四大回城三已得哈爾其協機宜

為逆酋大和卓木窟穴其城更大於先得之烏什阿哈爾

克蘇二城今已款降所餘僅葉爾奇木一大城矣遊

魂釜底焉支撐斷其左臂固美事不無少恨煩懷仍使

波羅泥都大和卓木名也就獲以之餌彼弟或聽乃先兵至早

跳去復需時日勞軍偵二魁俘虜靖遐壤靜俟

天佑歌武成

副將軍富德奏報小和卓木霍集占亦望風先逃

葉爾奇木回衆投誠擬平定回部凱歌十首

伊犁平定擬功成孰謂狂回乃背盟師直從來荷

天佑詎予本意好佳兵

偏師護衛入回城逆酋大小和卓木為準噶爾拘禁日久我師既定伊犁乃出諸繫中遣兵

送大和卓木歸舊部時葉爾奇木哈爾城中伯克

不容大和卓木進城賴我師之力攻克其城大和卓木

乃能復統其衆反面樓蘭太寡情用是再勤將與卒亦惟誅彼

弟和兄御製詩文十全集卷古

庫車去歲事逡巡不戰不追免脫身

初推爾哈善方領重兵圍庫車城而

小和卓木旋入旋出竟付諸不問自以坐得空

設使就

擒早偃武至今猶恨債轅人

阿蘇

即阿克蘇也克字從上阿急呼之原成二字

烏什遽投降直進原期速

定驩

去冬將軍兆惠率師徑薄葉爾奇木城雖以再定伊犁招降布魯特周行萬餘里道遠馬乏猝爾被

遮然其時適當諸回城望風獻款因乘勢直前速期綏靖非輕進也

萬里周行強弩末將

軍猶是氣如杠

二千餘人守三月逆猗數萬不能攻援軍催進全師出

命副將軍富德等統兵往援轉戰三晝夜我師全軍拔壘而還以少當衆且固守淹時而整暇如故洵有

神助實賴

鴻禧益惕衷

整軍三路進攻齊早慮同逃不暇齎

將軍兆惠富德議分兵往定兩城朕

以二酋勢蹙或棄其人畜輜重而遁屢命將軍等熟籌詳計以偏師遮其要路周防潛竄

喀什哈爾

平纜納款葉爾奇木又來溪

自古火州傳不雨纏頭驚訝雨隨軍驛致佳音感

乾旣

吐魯番闢展及葉爾奇木喀什哈爾一帶素少雨澤今大兵所過甘露應時回衆絡繹來降者無不

說為降夷日日出千羣

可知化外有同心箪食壺漿獻致欽

將軍等奏降人手持饌糧羊酒懽迓

營門其便爾先逃更何往前途遮獲定成擒時兆惠宣德方撫定

見忱惴兩城之衆尅日進軍而參贊公明瑞等一面在躡賊踪期必俘獲

窮回歸化即吾民安集勞徠命蓋臣兩城回衆本為逆渠所脅非自甘抗

拒者今既不肯從亡且迎降恐後因諭將軍等加意拊循以示無外檢校漢唐西域傳可

能到此事傳真

安集延將拔達山軍中偵知二會先期通好拔達山伯克將欲往投又以賊黨願赴安集延

持議未决然於彼於此皆屬回地可以尺組繫也豈能自外八鴻間行看往遺

去聲來俘獻兵氣全銷唱凱還

詠唐時回銅器有序

山莊舊藏古銅器一似豆而短足初以為三代青

綠耳迫視之形不饜饜銘不乙丁金銀錯其文則

似回字令吐魯番哈密回子等識之惟識噶愛兩

字其餘皆不辨蓋彼經文亦有今古之異人不能

盡曉也嘗考回鶻唐時始通中國史稱其先匈奴

匈奴與今之蒙古相類則回回並非蒙古且殊教

也元史始有回回國之名或稱其為大食國種大

食在西域此稍近之明邱濬以為陳隋間始入中

國在在有之在在有之者亦云其繁滋漢土者耳

其的派固不離西域也今平定葉爾奇木哈什哈爾此實開闢以來不異之回地回人若布魯特若哈薩克皆其蔓延繁滋或雜蒙古種者有之若唐史回鶻傳所稱善騎射喜盜鈔者實近厄魯特之習而非回人所能徒以回鶻音近回回因屬之纏頭之類耳究之耳食舌傳魚魯千里將以餘暇博考此姑俟之所喜者適獲此器於平定回城之時殲厥渠魁繫以白練兆在斯乎兆在斯乎故從而為之辭

不是辛尊與啓匱考時應入李唐時纏頭回鶻人斯用餽肉葡萄宮所遺噶讀作平聲愛旁行粗可識冰斯古籀豈咸知遷其重器茲先兆佇待俾來罷遠師

軍書

軍書清曉到兩回城已定

葉爾奇木哈什哈爾兩大城其兩城所屬小城更以十數

計皆已傳

賦役及建置惟將軍所令

將軍兆惠等既收撫回中諸城請酌

定賦役視噶爾丹策凌時徵取之數分別蠲減有差并定錢制廣圍錄兩正面用天朝年號而以城名回字附

職掌名目則各緣其舊俱降旨如所請行

連逃雖有

挈捨而來相迎詢以所去方乃無可投境

叶軍中得回人詳訊逆

賊潛逃踪跡云初議投安集延既懼為布魯特劫略既
又得拔達山伯克回信以往投人眾其地必不能容二
酋不得已暫遣附近之塔蓋嗎地方或就彼竄入塞爾
古爾土城苟延殘喘計大兵一經圍壓可以立就俘獲
矣
邏騎遮其前大軍逐以競此舉或成禽載載囊詠
佳兵詎得已討逆惟義勝藉眾集大勲盟獨欽

天命

固濟爾巴圖魯瑞綽爾圖盡節詩

瑞綽爾圖者索倫侍衛員曾以血戰功因賜號旌賢

瑞綽

爾圖於乾隆二十一年冬隨大兵進剿阿睦爾撒納與哈薩克力戰有功特賜是號固濟爾何謂

敢勇能推堅亦云其勇耳大節乃炳然兆惠定回城

哈什

哈爾驛章一一宣云有瑪穆特被回擄去年其人厄魯特

隨軍廝役焉將軍遣偵騎彼亦隨往旃

時將軍遣散秩大臣達什策楞

及瑞綽爾圖莫寧察岱屯等率兵百八人前行捉生口瑪穆特莫寧察廝養也

忽被賊回遮眾

寡敵實難矢盡守空屋奮突揮以拳莫寧察戰沒岱屯

命亦捐瑞綽爾圖在傷重飲劍艱猝被生縛去至霍集

占前卓立唾賊罵裂背髮衝冠巴圖魯侍衛豈懼爾狂

獘天兵今少至數萬繼進連以千敵爾萬汝滅踵不旋

霍集占乃怒持刀向頸剗其達什策凌同時遭繫牽霍

集占忿詈爾厄魯特人叶脣齒應相依何受中國官鐵

鈎鈎四肢其死最可憐是皆所親見飾語敢取愆徒以
無足數旦夕命苟延渠逃定回城乃復得見天兆惠聞
此語既悅繼涕漣悅以我有人涕以己所遣叶據實歷
詳陳痛淚不忍看心與帥臣同恩加寧惜駢璠綽爾圖
旨勅部照陣凶例賜卹今悉其死事為齒睢陽張為舌
英烈狀復命察其子嗣優加恩卹

常山顏古有今豈無詩錄其人傳

雙義詩

有序

副將軍富德至葉爾奇木既定回城痛去歲將士
之沒於王事暴骨沙場為之築墳表墓因以奏聞

蓋隨將軍兆惠力守者固已無恙而旁出捉生及
在途值賊者猝致捐軀實出逆料時則納木扎爾
三泰適以奉差而往遇難而殉此雙義之詩所由
作也夫雙忠戡亂於無形雙烈表節於有北今之
雙義亦復炳然此皆我八旗世臣與國同休戚者
在諸人含笑九泉已知世錄之必被而朕捫心午
夜奚啻手足之如傷用兵既非得已盡節豈所樂
聞且卽此役而言非生擒二酋何以雪我三軍之
恨哉然旣建大業寧免微疵卽走卒厮養頗切同

仇則知我國家豢養旗人萬年鞏固之基而非周秦漢唐一興兵而天下驛騷怨聲載道者比此又

朕所深慶幸者夫

雙忠昔集事雙烈能忘身二事皆茲作雙義詩其故得

細陳曰納木扎爾會贊北路軍奮勇剪逆賊封伯酬其

勲納木扎爾先以都統參贊北路軍務會擒喀爾喀叛逆青滾維卜論功加封伯爵副都統二

秦英氣頗超人均御前侍衛素悉厥忠純兆惠富德輩

從戎久効勤欲代俾將母將軍兆惠富德母俱年高比歲領軍討賊故特簡二臣往

之二臣被選掄去歲黑水役事見前固守遣索倫致信愛

隆阿權退催後援可支百日間速進莫遂巡將軍兆惠等猝被賊

遮時愛隆阿拒河駐後將軍兆惠自圍中遣索倫二人間道傳語大兵未集可速迴阿克蘇俟後軍一齊進援

將軍及參贊輕進徒俱焚當待師並來何慮狂狙狎時

納木扎爾為靖逆將軍三泰為參贊大臣之信兆惠已知之故亦令暫迴以俟後軍爾時二臣者

馳驛往軍門過愛隆阿營却近黑水濱所遣人未遇礮

聲前忽聞知賊與我戰聞戰心退奔徒攜百餘騎赴義

命同捐叶凶信驛遞來痛淚傷心魂使早知拒守退俟

熊羆羣同進可樹功何致均沈淪即先至一日合兆惠

軍屯亦可旋今歲奚煩以身殉叶不前復不後此實若

有神富德自和闐里至黑水津葉爾奇木降諸事粗處
分痛念我將士沙場化爲燐黃頭雖不備掩骼權爲墳
猿鶴昔屬幻邱隴今可循因以此事奏西望揮淚頻豐
碑旌墓門千秋西海垠捐軀固臣節在爾非所論在予
則何忍此恨終當伸夷考六人蹟事異心同均與國休
戚共寧止曰蓋臣史筆多訛傳永言傳其真

賜明瑞有序

參贊大臣毅勇公明瑞以逆酋大小和卓木望風
先遁率前鋒銳卒往遮而賊狗開道通信逆酋遂

兼程走明瑞追及之於霍斯庫魯克以遠馳之旅
摧拒險之徒銜枚列隊者甫九百人鳴哨據梁者
且六千指而能折負隅之勢揚卷籜之風轉戰三
時辟易百里擒生斬級輜重畢收而將軍富德等
亦以兩城既定統師會勦逆豎計日可擒非其志
秉忠誠曷以功隆摧陷雖古名將孰克方茲爰賜
是詩以彰其績

世胄更勳戚少年能老成從軍俾習事屢戰得英聲適
以狂狙遁因將勁旅征欲遮先信漏不捨竟蹤橫地利

彼雖擅人和我實勅騎惟九百到賊乃數千迎少卒勝
其衆勇還濟以誠勗哉俘二豎衛霍遜功名

中秋帖子詞九疊前韻 有序

晶盤瑩采九十平分金粟馥香三千徧滿寄崇情
於玉塞延麗矚乎雲莊原夫閏律暑遲田峻佇登
禾之喜邊垣秋晚虞人需戒道之期看來鶴鹿皆

馴

祖澤常懷

文囿聽夫笙璫並韻

慈顏近侍

瑤池重隄曲水杯流虛白毫光和寶刹浮圖互映半壁
高峯鍾照空青黛色與降蕃列帳交縈遼哉萬里
同晴關外懽聲傳擲遂捷矣百城俱下湟中勁響
應宣鏡想一軍振槁先登快甚吳剛斧琢知二豎
擒生立致迅逾博望槎迴旣開桂殿長筵將啟蘅
臯清蹕紀旋鑣之盛事合勝停鑣賡秋帖之新裁
宜過春帖曩者四篇製就固已都捐霓羽靡詞茲
焉九疊吟成庶幾共叶莖韶雅奏云爾

勝地良辰可放閒攜來詩稿自刊刪開編恰是中秋帖
卽事重吟玉塞山

朗照寧分中外光揮毫墨染桂花香興州景詠纔四度

合京師木蘭諸處九疊前詞
於山莊已爲四度帖子矣西極功成逮一匡

洸洸猶有逐回師獲醜佇成奏凱詩雖共儒臣賞佳節

塵懷遙在察汗池

二會逃
往之地

欲招東魄上西樓畧覺山寒不礙秋風月宜人賡九疊

光陰瞥眼憶從頭

登樓

御製詩文十全集卷十五

平定回部第四之四

詩五十九首

副將軍富德等追及兩和卓木大勝回軍捷音至

作歌紀事 己卯

慶霄對月方開筵將軍捷報驛騎傳摩囊展書歷歷閱
額手慶慰衷心憐憐者我衆實奮力慰者呵護惟賴

天萬有餘里所致馬 軍營解馬自內地至肅州遠者已
四五千里其自肅州至察汗烏蘇

又萬餘里而山間繞道崎嶇
屢經戈壁均未得飲秣稍休又踰戈壁無水泉裹糧追

御製詩文十全集 卷十五

賊幸尾及彼逃乃在廿日前逆會兩和卓木讐我軍威於大兵未至葉爾奇木哈

什哈爾二十日之前已離巢遠竄明瑞先已折其角未經大創猶抗顏

先是叅贊公明瑞襲賊於霍斯庫魯克嶺轉戰三時擒

斬賊衆甚夥乘勝追擊軍聲大振會日晚我兵馬力不

及賊復以其殘衆竄去阿爾楚爾列賊衆避其輜重伏據山輕舉

墮術在所戒集思持重勝算先時逆酋方設伏於兩山峰頂少遣賊人迎誘我

兵欲逞其狡計副將軍富德知之與叅贊大臣等集議營陣攻取不恃勇輕進偏伍彌縫密佈

置發縱指使皆英賢副將軍富德與霍集斯等統中軍令叅贊公明瑞阿桂等領左翼叅

贊阿里哀巴祿等領右翼翼之中各分前中後隊又益

以奇兵援兵隊各為二別遣巴圖魯侍衛額爾登額等

分率巴圖魯魯兵二隊備四面應援而領隊齊凌扎布為殿軍將卒如臂指相維佈置實當諸大臣均

予心膂巴圖魯侍衛比肩夙所教養共休戚敵愾兼逮

輿儻焉是役雖僕隸無不共奮義勇同心戮力功克就二豎鼠竄圖

苟延戰罷檢閱傷卒殲彼計級乃盈千師難到葉爾

奇木况過數千里行造以少勝衆剪賊黨明瑞既以前鋒九百擊

賊衆六千茲役也我兵馬步統計不過三千人勦逆狗

四千餘衆擒斬者已過其四之一而助逆渠魁如布

都克勒木等大伯克數十人並臨陣殲之逆酋黨惡殆盡云國威赫濯揚天邊優敘

未足酬勞績捷奏至並有旨從優議叙猶念將軍叅贊等殫忱奮勇殊勳非常例可酬立待元兇就縛時特加曠典桂觴欲泛還罷旃百年養士今獲效

西師之役方稱全行張凱宴勞凱旋

哨鹿

白露雖已過

二三十年前鹿鳴以白露前後為候今率以秋分前後為候蓋

氣漸暄 氣暄鹿鳴遲

天道自南北一端此可譬山莊過中秋應候吻聲試哨

必有定所松巖特佳地

扎克丹鄂佛洛漢語即松巖也蓋宜哨之處亦不多得松巖其

也披星出御營霜坂跋輕騎一暢尋樂懷一寓習勞意

習勞以身先與眾無不同仄徑步男崩短衣披蒙茸叢

薄影白月絕壁下隋風低語學銜枚銳進擬襲攻回頭

語頷駙去歲追賊蹤

去歲固倫額駙塞卜騰班珠爾隨將軍兆惠追噶爾咱忒賊人恩克

圖至庫隴奎地方以力戰受傷命回京茲隨哨鹿天甫黎明正同襲賊之候馬上詢及之

誠不負教

養讀書曾深宮

深宮寧不逸塞野有底好繩

武貴弗忘是中有要道晏起在所戒冒冷天將曉減從

四五人攀陟窮峯嶮八义忽作聲餐切羊腸繞一鎗立

斃之今日機緣巧

緣巧匪恒逢未勞實鮮味

圍中馳逐之鹿其肉勞而無味鎗斃者乃新鮮味佳也

取佳進

御製詩文集

卷五

三

慈寧高擎馳飛騎所餘命剝割野食頒衆暨人擅屠坦
工斤斧覲髀試芒刃固不缺是謂善乘勢陡然憶西師
捷音尙待至

捷報

逆酋霍集占兄弟一創於霍斯庫魯克再創於阿
爾楚爾勢蹙窮鼠將軍富德等急躡之於西洱庫
爾是拔達山連界地也時賊衆據峯負固我兵整
陣勦擊中發大神威遠礮兼簡偏銳用烏鎗夾攻
賊中有伯克等悉其大隊呼籲乞降霍集占自山

頂遮截至手刃之不得止而我兵四路設伏盡起
有徒步援絕壁進者轉戰一晝夜賊遂大潰計獲
賊衆一萬二千有奇鎗械二千有奇牲畜一萬有
奇逆酋僅以殘衆四五百人逸去富德等傳檄拔
達山部長曉譬順逆令其尅日縛獻至是捷聞朕
以二酋一日不獲軍務一日不竣雖仰賴
鴻庥收城服衆而旁午擘畫何能釋懷爰誌長言佇期
永靖詎得已哉

待圍小憩坐屏顏捷報飛傳達玉關奏牘機宜悉覽遍

降蕃輜重盡遮還千軍直進伊西洱二豎旋逃拔達山
除蔓斯之未底定可辭畫策肝宵間

九日

萬嶂欽崎天次濛木蘭菊節度今朝登高卽目無遺照

在上惟懷不敢驕勝地恰宜風雨度

是日微有風雨

芳筵兼聽

管絃調

以節日賜食

近臣那易知有喜劇待佳音正不聊

時將

軍富德等遣使拔達山諭擒逆酋和卓木兄弟
魁日往返通計軍報旦夕當至行在深用厯懷

過卜克達坂

常歲迤東獵迤西此重尋

卜克達坂居木蘭之西界每歲行圍率自崖口出入辛未

秋會一過此

廿圍倏歲事二豎待成擒

武惟勤已運籌更悉心貞符如卜克願卽遞佳音

驛章

中途驛章遞遠自軍營來啟篋急披視旣慰又厯懷拔

達山遵檄興兵阻逃回

拔達山汗曰素爾坦沙奉將軍富德等檄卽親率兵遮截逆酋

和卓木兄弟於阿爾渾楚哈嶺首退伏嶺下齊那爾小河相持再戰素爾坦沙並調拔達山屬沙木爾伯克帶

兵星赴阿爾渾楚哈其嶺高崔嵬相持回少却守齊那

爾隈厥路乃四通薩嘛罕布孩

二回部名居布魯特安集延極西

獲否

未可知道或投其儕備悉報將軍回字頭人差

先是逆酋於伊

西洱庫爾為我兵擊敗竄至拔達山沙木爾伯克所轄
 錫克南村詭稱欲起墨克地方禮拜時沙木爾適赴拔
 達山汗所幼子在遊牧不知其詐也及沙木爾遇將軍
 遣使特為供馬送致素爾坦沙而自遣頭人賽特多羅
 特馳報賊情且齎回字表具言前因葉爾奇木為準噶
 爾所有我等亦為服屬今天朝悉定回城我等均為大
 皇帝臣僕矣
 詞甚恭順 將軍正言斥此語皆阻推二豎數百眾如

雉往投罽不以時即擒巧語將誰詰
叶將軍富德等以軍營遣使未回

而彼中所遣回目恐是潛來試探且賊敗竄時殘眾無
 幾又經拔達山部內沙莽蘇爾阿里瑪伯克沙木爾伯
 克素爾坦沙汗各處俱云賊人被殺馬駝被獲何至遲
 延未擒又云素爾坦沙與賊相持之所路通薩嘛罕布
 孩各處或是預為他時縱賊地因書
 檄督責寇日傳送令即縛酋以獻 勒兵在汝境為奉

皇恩恢虞驚汝老幼再遲兵臨哉
將軍等責遣回使時一面復宣示恩意以

爾等部曲編小不忍遽行移兵若不即擒賊則罪在爾
 等應早自為計因對使據派偵探兵付副都統伊住等
 帶領啓行并將卡倫 區畫頗中察所惜少徘徊
閣署內
 拔隊外展以須繼進 賊具協機宜惟我兵直抵以達山連界時未即窮
 追就獲以遠道亟攻故馬力不及事會殊堪惜耳 馬力
 實不進亦弗深督責 叶縛獻斯事畢飲至凱宴開設或
 更逸去數月復延挨迢迢萬里外機務親籌裁寧辭午
 夜勞所期七德諧

御園深秋

飽看秋山不厭秋御園清景小淹留候暄林葉飄還綴
 霜澈湖波澹且流漫惜登高孤勝約那忘定遠塵深謀

傳聞佳語兼疑信將軍兆惠奏所遣侍衛塔尼布自將軍富德軍營馳報拔達山干邀擊逆
狗生擒波羅泥都其霍集占亦已鎗斃富德聞信即擬率兵往取二酋而捷奏尙未至京刻為懸念露布
何時望轉愁

卽事

北省春夏旱赤地愁千里
天恩大轉旋稍救瘡痍起江南春夏豐米斗數錢耳秋
潮繼以蟲穀癘頓踊貴叶南如幸遇豐擗節庶有恃昔
乃不知惜今則嘆乏矣北如常憶旱薄收亦勝彼仍嗟
麥價騰神寒怨無已賑恤吾不靳溝壑可坐視調劑貴

有方一一覩示指戶口日以孳孰不資食米受豐不受
歉民艱固其理弗辱在知足弗殆在知止設退一步思
道德合深旨雖然言之易所難在踐履二酋必欲得吾
亦未免此時逆狗兩和卓木已為拔達山部落一擒一斃方傳諭軍營勒兵索獻以期永靖根株不欲姑息目前致貽後患然收城服衆豈無浮議請可告武成者哉

副將軍富德奏報拔達山汗素爾坦沙獻逆賊霍

集占首級並以全部納款稱臣信至詩以誌事

采入殲渠逃望風情知三窟已途窮嘉茲識早獻馘順
笑彼悔遲跋扈雄和衆永看兩部定成功速在五年中

西師之役始於乙亥春準噶爾汗達瓦齊即於是秋就擒各部款附嗣是辦理回部收城服衆距今逆會授首統計歲事未踰五年

天恩如此昭優貺保泰彌殷慎勅躬

庚辰春帖子

臘半發青陽曉春萃百祥十千週復始又慶值金穰

東陸巡禧肇西師告武成南端雙鳳闕北拱萬年清

嚕斯訥默會文同

回中諸部有相沿占候書名嚕斯訥默今命欽天監官往測量日影定時

憲書節氣之差測景詳求昏旦中從此凹睛凸鼻輩一齊受吏

驗東風

庚辰元旦

庚辰

紀部循環五運推三靈引達正昌時歲惟振美期農稔

月應孟陬與物怡淑氣閭閻調律琯羣生嘒嘒沐春祺

武成敢詡堯封廓敬久還求禹甸治

元旦試筆

樽木初輝少海紅敷天春色遍寰中撓枝振美資三始

王路由庚達大蒙銀箭漏聲遲細細墨壺香氣暖融融

綵牋試筆今年幸耆定伊西早勒功

三白先春燠沐舒鳳樓瑞氣曉扶輿金泉應律闔龍戶

玉陛朝正引象胥赤縣東西一尉候黃圖南北共車書
家饒室被均希彼保泰求安敢懈予

元正太和殿朝會庸作歌

晨參晝會肅朝儀正殿春融赤羽旗考夏綜周原舊典

夏球舞龠迓新禧十年一舉寧爲數

正殿朝會雖舊典然率不舉行庚午

以平定金川又朕四旬之慶故一舉行茲西師武成綏服回部拔達克山安集延哈薩克布魯特皆稱臣入貢兼值五旬大慶故命循例宴饗萬國來同倍切寅吏治民生厘宵旰問

方詎止藉斯時

祥花瑞葉玉樓樓慶恰占年景福禔耆定不期徠默克

安和惟是洽羣黎漫陳漢馭魚跳水却聽天方鳳奏西

時將軍兆惠自葉爾奇木得回部樂奏送適至因命於大饗所陳諸部末肄之其器有大小鼓簫管提琴洋琴之屬其伎有剡刺都盧及承盤轉碟之屬簪筆誰成元會賦持盈應悉敬彌

躋

葉爾奇木驛貢石榴蘋果木瓜三種詩以紀事

大宛天馬早歌徠果品惟三致自回張協金牙斯漏賦

群荊蒟醬此殊開詎曾燕趙移根往且共瓊瑤包貢來

慎德何須却食物兢兢敢詡版章恢

降旨免甘省辛巳年正供詩以紀事

邊省民風淳是予亟嘉眷師旅所由經能無勞郡縣連
歲免正供給值酬輸轉遇災仍賑恤閭閻期惠遍即今
縱武成休養寧當緩叶預免循向例去歲即預免今歲正供矣初春
頒渙汗惠心勿問吉助陽實政見

邇日

武成歌振旅長途歸凱軍汜勝占三白積玉遍騰鱗邇
日更有喜次第奏章聞王畿固普被河南北亦均於東
逮登萊於西則晉秦江浙及荆襄盈尺滿鋪銀深消遺
蝗種淨蠲癘氣氛兵後不易值何修沐

天恩敬勤惟益黽遑敢忽笑嘖休養恆恒願額慶同吾
民

重華宮曲宴御前藩王大臣侍衛及內廷翰苑諸
臣即席得句

曲宴重華隔許年自丙子新正賜宴侍臣於今已五年矣盱宵惟是屢籌

邊却欣汜勝占三白況值武成拓八埏嘉與賢藩酬綺
節便宣翰苑賦瑤篇尚懷奏凱歸來者風雪長途正著

鞭

瀛臺賜宴安集延來使即席得句

奉檄猶慙力未宣

安集延奉將軍遣侍衛檄諭即欲協擒霍集占兄弟以逆賊未至彼境即

車使額請入覲

右旋書捧使來傳閉關難學漢光武謁陛何期

安集延西苑都稱到天上南蘭羣喜沐恩先

時拔達山使尚未到

仰流嘉彼明於順三接應申錫賚駢

御午門受俘馘

函首霍占來月竈傾心素坦款天闈理官淑問寧須試

驃騎窮追實可臧西海永清武保定午門三御典昭詳

從今更願無斯事休養吾民共樂康

瀛臺賜宴拔達山來使即席得句

歸俘獻馘識忠誠貢使隨來萬里行第一西方足嘉國

無雙天下此都京俾觀禮樂三千盛待賞煙花午夜明

重譯又須宣象寄

近始畧習回語可以不煩譯寄而拔達山居極西語又異於葉爾奇木故

仍須回人譯彼語也筠冲語異逮濛瀛

瀛臺曲宴外藩

仙壺曲宴荅韶年舊典惟遵懋愭聯北漠戶庭真密邇

西瀛裘帕許參連

蒙古王公等朝正來者賜以曲宴歲以為常今歲並令回部來使入席且

奏回兜離歌與任傑舞拔達山將安集延近悅遠來寧

易易側身基命益乾乾

新正恭奉

皇太后幸圓明園卽事

西山積素喜迎人今歲韶春果是春振旅三軍前後接

朝天使者到來頻

時諸部並遣陪臣入覲安集延使陀克塔瑪特等拔達山使額穆爾伯克

等已先後與宴而布魯特所遣西拉瑪斯等亦卽日抵京 逃疏率與光明耀勞徠猶

宜燕衍申畧得對時博

慈豫

壽徵福履自駢臻

上元前二日萬壽山賜親藩及諸回部宴詩以紀

事

萬壽山光隔歲看初韶行慶駐鳴鑾朱琴儀鳳調伶史

翠釜供羊出大官詩孰蔡襄咏嘉祐節同景德宴蒲端

何期戎索茲開拓敬保金甌永乂安

上元前夕曲宴宗親紀事

帝室韶年敦敘宜笙歌酒醴荅昌時內安外靖均

天澤授几肆筵申燕私却笑耐金聯瓊弁

漢會諸侯例貢耐金金不

是者有罰此何政體

怡歌行葦燦棠枝西樓燈火須留看百技新

增葉爾奇

上元夕恭奉

皇太后觀燈火
樓頭歲歲奉

慈娛今歲

慈娛勝且殊樂聽侏離復僛侏舞看跳劍與都盧明燈
忽綴千珠網翠火全張

萬壽圖所喜

萱階紆念切敢誇蒲海奏功膚

上元燈詞八首

銀蟾十二度虧盈初度團圓分外明
沉喜農田三白兆
更逢絕域武功成

村鐙社火鬧閭閻一日樂原可聽諸那忘去年當此際
六鼇山底治軍書

三元嘉夜福駢轅剪綵流黃歲歲新
答臘都曇撻響處
太平音裏太平人

龍從鳥集舞林離跳劍尋幢呈百奇
拔達山將波羅爾
聽觀鳧藻喜閑知

都盧技本外方來漢使艱難鑿空開試問千秋摘句者

分明親見是誰哉

暮景西山霞脚紅須臾寶月正當空一家中外聯茵席
底論空桐與大蒙

秋榜今年樂育材玉關振旅賦歸來佳哉此夕華鐙下
太喜花開照世杯

千葩吐燄霎時中殷七應輸技未工原有蒲簾延月者
愧言此樂與民同

上元後一日曲宴廷臣

翼宵曲宴集公卿豫樂胥殷恭敬情紫鹿高緝縱奇麗

蓼蕭湛露本和平相於卜晝三巡罷同此祈年一念誠

繡麓草蟲吟唧唧對時堪驗物勾萌

過望依然寶月輪歡聯泰陛答韶春剛欣絕域功成日

尚繾長途振旅人

時將軍兆惠等班師至哈密尚未抵京師

耗磨走橋聽方

俗瑤賤斑管命儒臣歌聆需雅駢千社共祝綏豐福在

民

景 燕九日作

七日燈宵一日餘

自十三日放燈至十九日收燈共七日

樓西婪景醮渠

胥纏頭羣喜瞻天表挺臂何妨挽月虛

是日令肄馬上諸技畢復親率

近侍諸藩較射命矢疊中俾回使觀之蓋外夷所慶節

重惟武燈宵百戲彼雖愛觀不至如此驚服也

發陽原典故騰輝吐爛尚龍魚新年百務咸亨順為

是矜矜越凜予

瀛臺宴拔達山諸部回使詩以紀事

遠使徠朝宴遣歸傾誠憐彼戀依依燈宵剛度韶春麗

夜雨欣晴瑞旭輝乍可頒錫聯撒荔何妨卉服接絲衣

從來曰信火蒙重安爾耕桑永受禩

仲春祭社稷壇禮成誌事

春祈慈祀曉暉壇

社稷鴻庥

天地同銳首兩珪象生物方中五土表元功夏松殷栢

開宗古

后土

勾龍協饗崇

境外馘俘獻耆定每思

優貺惕深衷

恭謁

孝陵

隔歲我來東

珠丘敬告功

衣冠天浩渺松柏歲菁葱凡此封疆拓永維

庇廕蒙蓋臣皆努力幸與勅時同

恭謁

景陵

西域已班師

東陵展祀宜闢疆二萬里奏績五年期

默默深叨佑悽悽更益悲敢云成

祖志

祖志注今斯

夜雨

二月十日
三日

一更淄淄山雲低細雨霏似春烟迷然乎否乎那可定

瓦雀簷下尋巢棲

二更徘徊剛就枕隔窗淅淅雨已審籲思三寸霑則佳

猶尚未焉誰安寢

三更假寐少偷眠眠醒霑注垂簷前檢校年來斯厚幸

不比鸞報軍書傳

四更乍徐還乍疾農人明曉驅牛出果然聽雨發言泉
也教藻思抽乙乙
五更枕上覺增涼優渥當春大吉祥便可披衣看山色
無眠一夜信何妨

雲罩寺疊前歲韻

春山紅綠紛獻技爭東風寺樓坐空濶却憶前年冬青
郊茲遍耕絕域早定功藁街豎長竿籠首懸兜元山莊
略無事忙是遞詩筒

前歲詩有傳蹕歸山莊佇覽達
郵筒之句時回部尚未定也

順義縣行宮疊戊寅舊作韻三首

忽作輕陰忽作晴由旬半日望中行離宮過午霏霏霰
額手今番料雨成

郊樹春煙釀薄寒新題舊什檢無端那看事定憶未定

曾此軍書丙夜看

前歲駐此有佇待郵函報捷
看及繫頸有待獻回渠之句

密雲傍晚低空宇澍雨中庭滿細渠成武兼欣兆農慶
天恩益厚益兢予

二月廿一日恭謁

泰陵啓蹕疊乙亥韻紀事

御製詩之二

卷五

七

東歸既歲

祀西來緣上

陵啓蹕疊舊韻往事迴憶生

舊作有命師莫西極有逆事告二陵之句

者畢掃穴順者胥來庭展謁叩

默佑首頓駐翠旌拓疆萬餘里告功五易星郊勞循

祖典卽看舉回程

將以二十六日告功禮成旋蹕黃新莊時將軍參贊大臣等凱旋至

郊卽於翌辰詣良鄉縣南迎勞其築壇張幄列纛拜天諸臣以次行禮覬謁一遵

禮制

將軍兆惠富德差乾清門侍衛來請安詩以賜之

數年萬里未爲遙遙在將逢隔五朝却爲勞儀待旋蹕

時將軍等凱旋近郊擬以二十七日如三秋念轉無聊恭謁

恭謁

泰陵

質明峯樹辨

陵園遡謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷

九天默佑恩二十五年如一瞬

鼎湖迴憶痛難言

御製詩文十全集卷十六

武天烈前恩二十五年收一編

志氣慷慨學亦天內出辭芬門凡茲萬里幾宜况歸向

御製詩文十全集卷十六

御製詩文十全集卷十六

御製詩文十全集卷十六

御製詩文十全集卷十六

御製詩文十全集卷十六

御製詩文十全集卷十六
臣胡長齡恭校

御製詩文十全集卷十六

平定回部第四之五

詩四十六首

二月廿七日郊勞出征將軍兆惠富德及諸將士

禮成紀事
庚辰

京縣郊南親勞軍

園壇陳

燾謝成勲出師本意聊嘗試
西陲之役始以厄魯特諸台吉率眾款附請兵甚力

我喀爾喀收圍勢不可以錯處滋患無寧及其鋒而偏師嘗試特計因其地以撫之故
禡旗命將之典槩未

舉行語具乙亥告成碑記茲準夷既平而回中諸部以
次戡定寔荷 上蒼 宗社鴻庥非敢謂先時逆

觀及 奏凱今朝備禮文釋甲安戈罷征伐論功行賞策

忠勤膝前抱見詢經歷 國朝舊制凡出征將領成功還者行抱膝跪見禮以示優異今

即遵 一瞬五年咸以欣

同心萬里那睽違畢竟歡言賦采薇勇將歸來兼福將

黻衣著得解戎衣漫稱偃武修文日恐即嬉文恬武機

飲至寧誇暢和樂持盈益勵慎幾微

三月朔日御殿定邊將軍兆惠副將軍富德等率

成功諸將士朝謁詩以紀事

黃麾簇仗正衙排奏凱來朝樂孔皆脫劍釋冰搖玉佩

卷班按隊叩金階幸逢耆定干戈戢况值熙和風日佳

范士變言予敢忘惴矜保泰是長懷

上巳日同豫軒作

西苑將凱宴南軒先憩駕 軒在瀛臺之南 正逢祓除節韶光藹

相迓紅紫入花逕葱蒨籠巖榭同豫信同豫耆定籌邊

罷然予敢肆志敬怠不少借高謝晉永和寧云關治化

上巳日凱宴成功諸將士 有序

筵開飲至剛逢祓飲之辰苑啓瀛臺恰奏濛瀛之

續於時上公晉絳青郊解甲初還蕃長敷茵黃幄
纏頭列侍宮懸陳百部將回中樂府齊登錫爵遍
三巡以閣上圖形爲次詎因詔挾纘投醪之惠期
得抒推心造膝之忱且食刀闢璧借來包匭宜酬
其効順而紫綺朱提並賚簽名合第彼成勞從茲
凱宴遐宣足使天堂知樂是用寅承永切毋忘月
朏依光非矜七德升歌爰藉八章紀實
出勞嘉勲葳禮旋昇平凱宴液池壻闢疆掃逆誠資衆
助順成功總賴

天策績林林恩予厚詢勞一一命來前寧惟云不重生
望祇覺迴思越悚然

日麗風和春未深獎庸備禮有壬林試看偃伯靈臺上
詎數流觴曲水潯命預綺筵排伯克也陳夷樂奏任禁
笑聆蜀技無情者那覺西悲動乃心

圓幕高張榆柳垂犒筵喜值禊修時策勲舍爵竟今日
鬯武書常允不期誰擬浯溪泐崖頌我歌靈夏出車詩

紫光將畫凌烟像

西師歲成大功自元臣及在事將軍
叅贊禁衛統領諸臣第其勲績懋著

者命工圖形紫
光閣以崇獎勵

穆棣同叨

乾賦貽

成功將士錦衣旋日月光輝軍氣蠲藉我虎臣典宿衛

笑他杯酒解兵權將軍兆惠副將軍富德既以酬庸晉爵均命為御前領侍衛大臣宋藝祖

權術駕馭夙所八旗子弟心如石萬禩國朝龍荷副故戲及之

天宣看瘡痍猶未愈三等侍衛綽克圖巴圖魯恩特驍勇過人臨陣不避鋒鏑今預宴賜

酒時撫其額傷猶未痊復為之惻然能無一體恫瘝連

柳舒花放正良辰上日前期福履申三月三日為上巳然是日始戊申故

云卸甲鞬弓盡鳧藻凹睛豐額集魚鱗千秋難遇太平

宴百戰歸來義勇身獨憶儲有宣力者故大學士黃廷桂綜理軍儲調

遣諸務備殫忠勤未及武成溘焉先逝故前賜凱迴未詩有奪我賢臣何太劇不教留看凱歌迴之句

見惜斯人

敦瓜烝栗允堪憐二萬何期竟拓邊遠愧周王興六月

遲過殷帝克三年依楊霏雪凡經幾立幟登弧盡陷堅

此日征夫真邇止皇州春滿七條絃

拔達山人獻馘歸三軍飲至靄晴暉勞心幸我紓宵旰

公道憑伊論是非紫綺朱提頒渥澤前歌後舞迓鴻禧

歡來憶不同來者軍興以來我大臣將弁等咸以蓋忱自奮其間有遇阿逆之叛如將軍公

班第叅贊伯鄂容安遇噶爾巖多爾濟等之叛如寧夏將軍和起而追色楞之逃者如副都統唐喀祿誤聽沙

新集言之二全集
卷之二
拉斯嗎號斯之詐者如都統滿福至遇狗酋和卓木之
叛如副都統阿敏道前鋒統領鄂實副都統三格侍衛
特通額總兵高天喜而奉命在途猝遇亂賊如將軍伯
納木扎爾參贊侍郎三泰其巴圖魯侍衛中之奇徹布
巴凌阿寧古禮富錫爾爾璠綽爾圖等並能以死勤事秉
節捐軀雖加恩優予旌卹而當功成飲至時迴念議烈
炳然尤不勞爵手持淚暗揮
勝雪涕云

芳節延禧淑氣清
禩歌聲是凱歌聲元戎允合躬承袞
勇校均教手賜觥
藉衆力茲疆地戒勅予心永奉
天行從來悟得受招理
虔鞏流謙慎捧盈

凱宴畢乘舟至悅心殿

上已從來合宴遊
似茲凱宴得曾不
良辰盛典還多暇

耐可新波漾綵舟

春融瓊島翠嶽峯
別殿疏龍憩悅心
綈几蘭亭觀定武
恍同逸少會山陰

土潤新燕綠到階
春光今歲識真佳
舊題粘壁閒吟過
始覺籌邊悅釋懷
借景耕藉擬禾詞
四首

沃塗膏壤司空掌
縹軛紺轅農正陳
率稼供粢胥要道
敬遵

家法歲躬親

千里王畿霑臘雪陽春二月被甘霖

天恩今歲真優渥益為去聲紓心益惕心

隴麥芄葱實愜懷寧惟藉畝治除佳去年此日那能忘

曾是雲雲鎮雨霾

四推戴禮置朱紘遞進扶犁土與卿諸部回人列觀預

是日命隨將軍凱旋入覲之哈密郡王玉素富暨各俾回部貝勒貝子公伯克等於迎駕後並得入壇觀禮

知國典重農耕

詠回銅噉噉笏器疊去歲避暑山莊詠唐時回銅

噉噉器韻有序

噉噉笏之制正圓而豐下上橫整可左右紐高五

寸有十分寸之五口圍尺有八寸腹圍二尺四寸

有十分寸之中實六升許銅范而金銀錯其文

皆旁行回字不可辨識西師凱還將軍等與所俘

武器並獻命阿渾通經典者其名曰哈爾披野特者詳

譯之具云元時回部有汗曰眉哩特木爾世居伊

楞地名在今布哈爾之西嘗得沙賴子城名在伊楞左近良匠喀嗎

爾所造用貯漿齊鏤文悉祝嘏之辭葉爾奇木哈

什哈爾世不乏一二見者其緣起載陀犁克史云

云夫天堂墨克之區遼邈荒忽歷代史牒所志支
離牽合罔所折衷今荷

天

祖垂庠師武臣克襄成績取章其地氓隸其人乃至昔
日舊物留遺皆得入中國而詳其原委亮非獲休
屠金人與蒲梢苜蓿輒斷斷動色侈詞之為也爰
以長言系之俾傳示來許不敢矜方物之遠益無
忘綏輯之艱云爾

重器真遷曠噲匱

舊作有遷其重器茲先兆之語

平回並馘獻來時曾

供菽水數升受亦閱春秋四百遺

其史所紀造此器時當在中國大元時歲

月不可細考約計距今已四百餘年矣

哈嗎匠鏤眉哩用陀犁史載阿渾

知詎珍三品精銀錯保定方籌撫衆師

惜陣亡提督豆斌詩

去歲正月初九日副將軍富德自阿克蘇率諸師

兼程進援將軍兆惠軍遇賊要戰於呼爾璊時豆

斌領綠旗兵列鎗礮對敵不期中賊銃捐軀詩以

惜之

老將行間名久標

雍正年間西陲用兵豆斌即以裨將特著功伐後屢膺節鎮勇畧夙優

御製詩文十全集

卷六

援師深入從去聲票姚鋪敦縱已占三捷矍鑠不期喪一

朝杜牧悲曾譏點筆孟明壯詎肯迴橈最憐來歛臨終

際強起猶虞眾志挫豆斌中創時猶力疾捐

後猗燾行疊前作韻軍

樹丸火米符祥占喀喇烏蘇之役將士方堅壁趣援時于固守處得審米贍軍樹上檢鉛丸

濟用並獲孤軍接應遂解嚴整師救和闐玉隴帕首蟻

襍肯劉殲將以三路進掃穴僑如叔仲先潛覘狼狽挈

拏預遁去二城降不勞矛鏃競作饒吹迂主帥從今食

飽眠亦酣選卒前遮復後襲義無返顧均雄男線天磧

地采入阻欲得虎子虎穴探明瑞邀之庫魯克以少勝

眾折祆橈富德追及伊西洱川強驅弱如掃蠶鹿垂流

湯賊屢敗獲銃拳燾軍威添遁入異域卒獻馘飛來報

捷紅旗尖凱旋攜以貢武庫阿渾譯出其文勅

以托特字譯之冊中稱亦知福善禍淫道胡乃偕德興

狂儉敵愾致力眾惟惜事成志遂吾敢欣

猗劍行

逆酋小和卓木霍集占所佩副將軍富德大勝之

於伊西洱所獲也凱旋奏進詩以識之

秩稊展室青萍寒一條秋漢溢波瀾蛟龍水斷犀陸剗
吳鈞薛燭古所傳泰階九寓胥晏安歐冶之法誰則閑
絕域尙武求精堅鈺鋒三尺不可剗弱肉強食必佩旃
沉彼窮奇肯離焉伊西大勝獨燾舉二酋君皇駭走前
獲茲銳器羣訝觀訊醜踉蹌具致言劍藏霍集占身邊
惟命是顧乃忍捐異封獻馘師凱旋彤庭奏進出匣看
光芒誠覺星辰連發弄武庫識歲年保定諸部籌久全
惜陣亡總兵高天喜詩
喀喇烏蘇之役我師渡河猝被賊遮時總兵高天

喜奉將軍令董率脩橋在後聞將軍陷陣中乃捨
橋衝入賊陣以致陣亡推恩優卹如例凱旋備悉
其事詩以惜之

始由小校出從征優擢奇雄至總兵留後脩橋恥苟活
復前入陣遂捐生綠旗中祇一人實絕域外傳千載名
裹血結纓寧讓古詩非獎勇獎忠誠

射八韻

有序

門啓賢良掄材式資觀德階陳蕃部肄武兼示柔
遐爰循聽政常程庶愜依光夙願耦聯十五子臣

之鵠並張雋獲疊雙齊夏之規胥叶以身先爲則
詎詡穿堅札七重俾目擊而存共喜侍長楊百步
將告成功而匪懈益遵

先志以彌勤華林百戲異靡文差不負春園日永壁上
一觀同壯志鎮毋忘朔塞風清

勅幾協九經量職授明廷志敢懈耆定治惟求永寧大
蒙胥列侍中國式儀型繁弱月規魄四侯星寫形髀音
鳴木亡鵠影落無停擅巧非誇已綬遐所適丁由來重
弓矢庶以鬯聲靈

赫濯於昭在欽惟

懿訓聽

駐防葉爾奇木大臣阿里袞等奏報諸回城於三

月下旬得雨詩以誌慰

有序

諸回城旣隸叛圖人欣復業駐防大臣循行勸墾
插蒔方興而三月二十一二十二日兩晝夜甘霖
大沛葉爾奇木哈什哈爾和闐洋阿雜爾同時霑
渥回人抃舞款告詫爲希有阿里袞等以聞回渥
古稱囂澤之鄉比歲復苦逆酋蹂躪茲獲

天仁降鑿槁壤頓蘇視前此師行瀚磧嘉樹應時均深

感荷因欽

鴻臚載紀長言

慈嶺火州致艱雨一犁

天澤霈今春灌田不藉穿渠力利穡都欣纏首人校尉
方將設戊巳神農未始禱庚辛遙遙萬里祈年望敢詡
休徵益敬寅

端午帖子詞

有序

琳池始漲梅霖快值逢壬綵竿旋牽蒲醑欣當汛

午因酬令序寧崇侈乎水嬉敬奉

慈顏庶佐

歡於夏清時則蓮風拂檻中人乍引朱旗麥浪搖階舟
子徐划黃帽不藉拔河諸戲供奉排當將聯在沼
羣情傳呼宿衛貳師專闕賜符分雁齒橋邊四部
名王佩帑捧蛾眉班裏幸際昇平堪繪典循五日
陪遊勤思翫物爲箴詩就六章裁帖

滄池潏沆似蓬萊雨霽南薰正阜財不必傳宣學士院
閣門帖子試親裁

綵絲縷縷稱延命蒲劔青青說辟邪底是吾心真喜處

一犁梅雨足農家

文場磨勘索清真廷試因之易此辰

四月十一日禮闈揭曉貢士當即赴

廷試因本年定例尚需磨勘遂定期于重五引對

漫惜芳朝孤節物所期讜論

對天人

功成上將早封侯蒲席榴筵愷樂優帕首河邊罷採玉

來陪鵷侶看龍舟

是日命兆惠富德率留京回部郡王霍集斯及公額色伊等入內苑俾預

觀天中節物

筠沖測驗命疇人星紀輿圖盡得真却笑當年西域記

底稱投石識蕤賓

佳節欣逢重五日地天相得數惟均六章帖子中和叶

保泰持盈志倍寅

海努銅印

有序

武定功成農政宜舉念伊犁委之荒蕪久或別部

竊踞非良圖也因命副都統阿桂伊柱等率兵往

理屯政茲伊柱循行至海努克地見大招梵帙叢

委以次檢輯獲虎紐銅章一方文曰管轄厄魯特

後旗扎薩克印旁識雍正四年十月鑄成即日驛

封來上蓋向年會頒給隸喀爾喀之厄魯特扎薩

克毛海者彼叛往準噶爾携以獻噶爾丹策凌因

命篋行內廷並系是詩以誌其事

厄魯和通厄魯特謂回人為和通以次平徐籌考收及屯耕葉奇

卽葉爾奇木四字已慶春膏溥回地素艱雨澤昨阿里

急呼之實兩字也甘霖大沛回人皆詫為希有海努曾無兵燹驚收拾

金經販淨業分明銅印返神京天驕猖獗今何有蠲忿

因之益稟盈

命儒臣排次回部錢文及所有古銅錢因題以句

天祐西師歲大功勞徠泉府貴流通形猶瞻格因其俗

寶鑄乾隆奉我同回城既定部人以騰格輸賦將軍等

寶以行又驛致回中所有古錢蓋彼景德開元溯所有

時妻主輸繪所致因命儒臣排次之和親互市鑑於中篋歲詎詡聲靈邕垂示懷柔慎自躬

宴哈薩克陪臣作

哈薩陪臣候起居優恩錫宴示榮諸徐聞壺漏遲金狄

不藉瓊筵命象胥塞限寒門帝京到風來暑節曉涼舒

時和武定遐方順惟勵謙冲凜執虛

拔達山八駿馬歌

大宛駿馬斯已奇拔達山駿奇倍之方隅貴山南以西

獻馘稱臣誠識時良驥服阜納費隨青驄送喜領羣蹄

捷音早共紅旗馳右送喜驄堅昆底定我馬歸鵲其英鷲色

其騏右堅昆鵲洱海即伊西洱淖爾一戰塞厥旗獲良翻以徠白義

海驪右洱有駮紫電名雅宜掃塵滅迹追無遺右紫電駮服遠在

德不在威闕虎謂上方十一已老茲其如右服遠駮蝦蟆一跳

丈六齊掉尾肅肅白玉題右玉題駮呈覽按隊過荷池祥霞

輝映光配藜右前霞驥逸足未騁望可知籊雲底藉鞭筆施

右蘭雲駮徒觀骨格皆英姿揣稱且命儒臣為天閑調習付

有司待予秋獮徐試騎警霍集斯居京師回部郡王霍集斯以擒達

瓦齊及隨征功賜第留京城父子俱膺封賞富貴之更

蓋以望族傑材不宜令歸回部具深意焉

教禮儀遊閶闔兮觀玉臺叶初非求馬與戎麾銷兵從

此含生熙

恭奉

皇太后觀荷作

月地震筵侍

懿慈昇平御苑即瑤池解能扇暑疑廚蕙為是

延年號澤芝傾露烹茶勝仙掌曝陽遊葉出靈龜今年

御製詩文集卷六

分外邀

萱豫西域師還賜雨時

回部貢金至命爲麟趾裏蹠以紀其事

有序

諸回城旣悉內屬戎索益閔念非經以井牧則別
部徧處久或強食滋患然屯開戍集而官師糈廩
因之若前代骨都戊己僕僕轉饟坐耗腹地物力
者朕豈爲之哉去歲將軍兆惠等以回民環額定
賦請加鑄天朝年號通寶于見行騰格錢以資輸
納朕命檢校將來大臣官兵駐防歲給所需取足

供支而止其視曩者噶爾丹策凌責入諸回故額
蓋已減什之五六矣今歲騰格已供彼處諸屯戍
之川而貢金適至乃付冶工鑄麟趾裏蹠以誌緣
起並系以詩昔漢武幸回中下詔言封岱時見西
域金氣之祥因鑄黃金爲麟趾裏蹠其詳已不可
考說者謂瑞麟五趾其形當如餅而五出若要裏
肉蹠正深圓則後世沿而范之者固衆無足深論然
洼池玉河朕且不以得地爲寶豈珍此纍纍鏐銑
而匱之以示方來者良以固圉繕邊初不役費中

王民生爲至計不則禹貢三品屬之水衡可耳又
何長言紬繹之爲

肉好頽型騰格錢儲胥恰供戍新邊或殊疲弊中國耳
並聽輸將三品焉西域早稱氣相感泰山虛詫瑞曾駢
政平遠服吾何有紀實聊因麟裏傳
同近支宗藩及御前大臣侍衛並回部郡王霍集

斯等賞荷卽事得句

自春徂夏雨暘若五沃花開日甚長笑我秋來纔一賞
孤他湖裏冠羣芳爲衣端祇宜彼沅比義還思遜爾常

霍集斯兼令陪宴直稱此信是天堂

雷雨

七月十九日

匆匆砰磕殷西山傾江倒峽頃刻閒五日朗晴雨何礙
終覺戚戚聽更闌三更雷聲遠四更雨勢止蕎坂菜畦
益滋潤憂餘翻爲吾民喜兼之銷兵定遠軍士大半凱
歌歸庶異南國佳人振振懷君子

再題輿地圖疊前韻

敢云擴宇葳

前猷偃伯從茲罷勦搜厄魯馬牛無一牧筠沖屯堡並

全收

乾隆乙亥平定準噶爾各部既命何國宗等分道測量載入輿圖已卯諸回部悉隸版籍復遣明安

圖等前往按地以次釐定上占辰朔下列職方備繪全圖永垂徵信本朝文軌期同奉味

谷寒暄重去聲細求無外

皇清王道坦披圖奕葉慎貽留

駐防闢展屯田大臣定長等奏進所獲麥萬穗詩

以紀事

載戢西瀛已定功戍耕伊始慶綏豐夏收萬穗先來進
秋熟千屯預報芄實粟惟堪嘗以旻旣安那更役如熊
開疆逾遠心隨遠總為祈年宵旰中

中秋帖子詞十疊前韻有序

上章紀歲適逢有象秋成西顛辨方最喜平分月
夕於時武功保定協氣蒸為太和絕域享王天衢
會其有極慶辰初過佳節載臨稠疊稱觴萬斯年
常承

慈豫更番裁什十賡韻正勃吟情秉燭治軍書猶憶去
年之景拈毫敲綺句可孤此日之間然而侈頌昇
平非予所喜由來不忘規諫惟爾其農內翰諸臣
同依前例

初成帖子值幾閒九度吟情瞥眼刪今夕又逢清籟裏
可孤寶月上屏山

槐市榆街厯落光皇州景物倍生香桂華忙採蜂翻翅

黍熟新肥蟹張

去聲

匡

定功西域早班師去歲真成吉兆詩

已卯中秋帖子
豐原韻作於避暑

山莊有獲醜竹成奏凱詩之句爾時二酋雖已潛逃回
部未全底定今除兇綏衆紫禁稱觴重憶前篇實符祥
兆更值秋收多報稔得教對月詠琳池

摘毫十度十登樓霎閱人間二七秋

自丙寅至今庚
辰凡十四年矣何

似東坡飛逸興錢塘江上望潮頭

臣龍廷槐恭校

